


李中麓間居集三冊



七言律詩

李中麓閒居集卷三

李中麓閒居集之三

七言律詩

早春即事

丘章李開先著

桺半青黃葉欲舒雪殘又是雨晴初帶經且讀
陶潛傳種樹頗翻郭橐書每撫雄心還自笑羞
將鶴髮對人梳真知生計惟春日罷更為農十
載餘

白雲湖夜泛

夾岸人烟水四圍蘇堤景物亦依稀中流擊楫
窺翼出樹底鳴榔鳥雀飛漁火錯疑明月上風

帆相伴白雲歸裏湖歷盡歡無盡况可乘虛望
翠微

送胡丞還楚

佐政山城已四春乞歸懶去走風塵齊庭此後
誰良牧楚國從來有逐臣彭蠡鴈多堪設弋武
昌魚美好垂綸農經竹譜吾家有把贈同心林
下人

谷少岱贈詩次韻奉答

讀史須知廢與興解疑何日會良朋酒狂我亦

稽中散詩思君為王右丞講道朝來揮玉麈處
禪夜對散花燈幾迴欲和陽春曲閣筆停盃
不能

送齊東黃尹陞濟寧州守

莫嗟枳棘久棲鸞良牧由来古所難五馬今為
唐郡守雙鳧舊是漢郎官舟車使者年來急水
陸居民日愈殘君去固多安輯術政成應不數
劉寬

足被刺傷作

自是公門踪跡稀芒屨不離釣魚磯刺倉有意
成吾懶簡禮無心任世譏傷足色憂從古有登
山涉水願分違乘閒可了詩文債潦草篇章信
筆揮

與客夜話

足疾經秋塵事稀夜來有客款荆扉城頭擊柝
棲鴉起松下焚香待鶴歸家室要移三島去夢
魂不逐五雲飛笑談引領天邊望炯々明星是
火微

戊申得子志喜

子乳諱蘓郭十月初一日生適蘓蒙與樂
安縣郭尹並至因以蘓郭名之

中年得子未爲晚試聽啼音喜不禁入夏結榴
今有驗榴結實先是花乘春挿柳本無心薄田山後迺
千畝古刻堂中直百金已幸吾生今有託正當
強仕又投簪

聞夏桂洲函報

嘉靖十五年丙申以夏言為武英殿大學
士至七年戊申冬十月嚴嵩譖而殺之

驅犢躬耕今幾秋久忘帝里舊豪遊少年知己
如星散往事傷心付水流袖內不藏新諫草燈
前時補敝貂裘上方有劍何須請相國驚聞瀝

血頭

贈少岱

宰邑三年政已成才高自古謗偏生聞鷄起舞
常無寐倚馬能詩舊有名愧我殊非東道主憐
君今是左丘明因其喪明兼素業臨爐早晚成丹
藥欲形庭託上卿

正月十日與王雲峯逮西墅陳泰峯高栢
亭南遊歸途遇雪入夜轉盛次日成詩用
紀歲事云

隨風輕霰迷山谷四子相携正遠遊梁苑才高
能作賦剡溪興盡却迴舟旋空柳絮春疑早著
樹瓊花夜更稠臘雪未消今又雪定應一麥比
三秋

新春觸事偶述

往歲迎陽鬧絃管近來萬并火飛烟中人室內
無儋石斗粟街頭過百錢堅壁黃昏穿窬穴綠
林白晝挺戈鉞東方寇盜紛如蟻畿甸流亡沉
兩年都切

中秋月
不知今夕誠何夕
祇見蟾光倍有光
皎皎玉樓同白晝
冷冷金笛咽清商
堪憐桂子零秋露
無奈螢花被早霜
搔癢脫巾頻顧影
照來分外鬢毛蒼
母亡後又喪子

送王杏里上京改任

歷官籍籍著賢聲
藩臬遲迴半此生
不獨文章高世望
况多行義重鄉評
行將宣室虛前席
長列台垣作上卿
毀譽升沉何足較
此心自恃比

水清

東謝曾石塘疏薦

休嗟彈鋏食魚魚
投効歸來卧舊廬
羅漢松聲宵翠律
觀音栢影午扶疎
堂中時下高人榻
門外稀聞長者車
自分灌園同老圃
臺賢何事走旌書

贈表西野有序

鄉賓表西野能詞善詩
謎棊手及齊雲之杜
各臻其妙尊甫子蟾翁
以秋官郎謫州佐後

遷慶陽二守兄西溪判汝寧弟湖峯太守河間
且門橫漁舡家藏走犬柳陰掩日溪水環居布
衣而有薦紳之貴村落不殊蓬壺之區詩以美
之蓋門第之高技藝之美佳居之幽而勝一詩
兼備之云

父曾別駕兄三府六弟還爲五馬侯君善詩禪
兼蹴踘家多獵犬更漁舟猷棊賭酒乘春興秉
燭摘詞恣夜遊宴罷學宮歸別墅門前綠柳接
芳洲

丁未除夕 嘉靖二十六年丁未

四十七年明日是百年將半此閒身不因閏月
今新正是年閏九月况此窮冬已立春是月十七日立春流
影有如駒過隙哀聲不啻雁離群群字出韻因悲
不復改正以見
吾情慘云向時守歲燈前侶杖淡迴者少
二人

贈張雲霞鍊師二首

相隨道侶訪蓬壺煉藥長臨太乙爐柱史將歸
閑令識麻姑曾降蔡經魚遠遊衣帶三江色靜

養環藏五岳圖家在梁園何足戀求仙自古棄
妻孥

適居道觀侍元君海鶴半姿迥出群採藥朝遊
三十載燃藜夜讀五千文眉間道氣人爭覩肘
後仙方世未聞本爲遜名名自著餘霞散作一
天雲

江南倭夷作亂殺傷山東民兵二首

卜居人謂江南好豈意年來只備倭有類狐奔
因夜警幾經龍戰似朝歌傷心夾岸人烟少極

目中流戰艦多誰爲挽回天漢水乘風倒瀉洗
兵戈

家本東藩六郡良一朝抽選事戎行可憐債帥
原無統況乃佳兵最不祥北備邊方猶自可南
來水戰本非長人言捉象還須象療瘡擯擲出
瘡鄉

象風而逸象奴急縱他
象捉之含象更無術也

辛亥生子子乳諱九十二月十二日生

花生鬢髮年将老春仲重生第二郎乾殺蠹魚
書久廢使傷健犢地多荒他年耕讀知能未此

日歌謠喜欲狂
課子明農林下事
從今不復夢
銅章

贈虞一峯道者

塵世紛紛醉夢間
百年今見一人閒
王侯不事成高尚
弟子相隨問大還
猿同久居無主客
鳳陽那記是鄉閭
鶻冠鶴氅身無累
不煉金丹也駐顏

見殘菊作有序

菊備各色而黃獨著名
以黃屬金而合秋令

香又倍於他菊
秧溉搯打必資人力
雖勤者不能養千頭
吾園當其盛時總有百五十種
炫日蒸雲雖南菊亦多有之
每置酒延賓無不歡賞
竟日自母下世而子上殤菊既廢而會亦寢至甲寅菊月砌邊尚餘數本
然殘落不堪注目
愴然感懷寫哀於詩

佳菊多從南國來
園丁著意善栽培
滿籬無數黃金朶
勸客頻催白玉杯
醉烏紗華髮亂
採歸錦袖笑顏開
殘英夾砌今重見
感舊題詩調

轉哀

重陽

父亡正值重陽日今日重陽母服終髮少愁多
難更白容衰火病亦添紅雲長旅雁聲難已木
落蒼山望不窮奠酒菊盃虛對客年年齋素野
僧同

亡妻忌辰

傷心復是妻亡日倏忽經今已六霜若得生前
存子女猶于身後慰衷腸驅魂難借金篦力照

面仍餘寶鏡香感舊憐新渾不語愁多但覺鬢
蒼蒼

寄繼內

娶妻娶德非專色吾娶齊東兩得之勤儉有如
貧士女家風克稱太常妻李詩不異太常妻非思
無以懷諸婢不妬方能處衆姬前子雖傷今有
望母儀胎教汝須知

代內荅寄

何須對客日彈碁秃却毛錐只詠詩廣置田園

難管理多藏書籍費心思五旬魚子君休慮衆
妾分恩我不私庭樹均蒙培植力紛紛映日長
新枝

憶張二

花開正值東風惡嫩蕊紅英逐水漂異症國醫
難料理相思岐路轉迢遙嬌容不照青銅鏡逸
韻無聞碧玉簫觸物傷情隻落淚餘香猶染舊
鮫綃

詠范四

笑靨烘霞醉碧桃恍疑仙子謫仙曹可當詩客
題佳句愁殺良工運彩毫玉體難勝白玉珮金
蓮偏稱鬱金袍百年謹讌深如海不慮繁霜洒
鬢毛

贈張三

八字眉彎一捻腰燈前偷覷不勝嬌迴頭笑語
金釵溜舞態輕盈玉珮搖柔嫩雨花含半蕊妖
嬈風柳拂新條千鍾一飲非前日一刻千金是
此霄

送李脉泉憲長之任貴州

五溪自古多猺獠作吏何須密網羅
廉訪雖云持漢法夷氓惟願布陽和
身經瑤貝三家市耳聽侏儻
四野歌暫屈遠方終必達清風自足激
顏波

鑷白

戢手左思何必鑷左思白髮賦願
長微剪拭亦堪哀唐韋長微剪白拭
蕭蕭白髮三千丈耿耿丹心一寸灰
有限年光驚過半魚端煩惱苦

相催不知逝水歸何處祇見霜華鏡裏來

秋日觀山漲

年前望日驚秋漲今日今年感再遭
霜重巖山骨瘦雨多滾浪花高風吹雲墜
崖崩拆電引雷轟水怒號對岸馬牛渾
莫辨誰云河廣不容刀

携客登江上樓

卧病滄江歲幾周忘机日日狎輕鷗
築樓近傍水深處倚檻遙看天盡頭
光徹風簾宵有月涼

生雲榻早知秋憑高須竭千盃酒與客同消萬
古愁

寄魏及齋方伯

喜聞病後身能健相會年前意最真未得酒盃
談笑久祇于書札往來頗暫居右轄清戎政不
日中台東國鈞霖雨上同商傳說禮賢下視漢
平津

初冬出遊

冬前望後遊南浦架木危橋試一登肅々遙聞

豚兔網紛々近見布魚罾蒼茫荻岸如凝雪灑
漱蓮塘未結冰風日不寒堪遠訪欲將心事付
詩僧

秋日過北村

百事無成感回休心間到處即瀛洲禾蘇水溢
皆因雨雁唳蟲鳴各報秋風蕩荷香侵坐席月
穿柳影拂牆頭重來料得蕭疎甚始識今遊是
勝遊

題高秋悵離卷

麓中子以疾辭官抵家又以疾謝客。有慕
名相訪者或不遠千里中麓子率常儉與見
也。鄆之呂子名時臣號東野者携其詩冊并四
賢傳詞託吾門閣投入為吾覽其詩即知其
詞覽其詞即知其人言之秀麗必其人之清
雅者也。出見之果如所逆料乃延之坐而語
之曰子問學積久閎竅將開有雖休勿休之
勢欲已不已之机吾今隨其勢而利導之迎其
机而速決之譬諸江河將一瀉千里射者殆

百發百中矣。閎竅一開十餘年學問之功不
為浪費詩須唐調詞必元聲然後為至如水
之源射之的修養家之玄閱如妙竅也。遂館
之寺中置之門下遨遊在上朝夕討論非詩
則詞詩詞非唐則元已而較其詩則變矣
較其詞則又變矣不惟詩詞善變貌亦變而
之充實矣。雖非唐調元聲駸乎有唐之中
格元之餘響矣。謁吾之餘詩又請于張栢巖
陳泰峯詞又請于表西野高筆峯其虛心

受善北方學者未之或先也宜其詩詞連變
如此然獨功吾則吾豈敢因倭夷作耗大江
南北全浙東西紛然騷動歸途既阻旅寓日
多自春而夏而秋在吾章凡歷三時近聞軍
兵聚盛海徼澄清呂子亟圖歸計感汾上之
辭動江東之興際海燕之辭主效越鳥之巢
南時則百卉俱腓涼風如律山蒼望外雲淡
天中餞別於西郊悵然傷懷因題其卷曰高
秋悵離詳具於序情見乎詩又贈之以古今
書用呂子自謂充然有得吾猶歛然如有所
負人惜與叔之去吾又喜吾道之南也覽者
將以是卷畢知前因吾將籍是卷以期後會
云

有客東來從我遊裁詩度曲已經秋南歸必出
三吳路冠道消兩浙愁是後空懸徐穉榻何
時重上李膺舟竒書秘用人爭借莫道相傳自
鄴侯

送蕭通府致政

春來頻夢返田廬仕路方亨即駐車浴鳥喜隨
江上掉嘉魚莫損枕邊書不煩吏卒紛趨謁自
有兒童候起居范蠡畫圖歸興動陳恭風世
無如宋陳恭公判毫有厭范蠡圖者即日致仕去
讀農索纂輯二要有感

窮經兀兀不知年白首爲儒硯已穿校字張恒
熬病日東書作枕着華顛呼童閉戶辭賓客無
吏催租對聖賢但著農索三兩卷勝爲小說百
千篇

送魏及齋陞雲南左方伯

一門清要世難儔藩伯今爲古列侯政善何須
分遠爾官閒應不廢吟謳碧鷄金馬窮玄覽白
鶴青龍恣壯遊暫擢炎方旋內拜無勞高築望
京樓成詩後始知非雲南即報訊傳耳

仲夏苦熱三首末首用杜子七月六日韻

自謂忘情亦動情忽驚節序半朱明鳴鳩起樹
聲偏遠乳燕離巢翼已成煩暑有同春酒醉微
涼不向晚衣生賜冰寵幸原無分濡筆聊賡苦

熱行

大火司天屬祝融紅雲夾日焰燒空過時不見
濯枝雨風土記五月有大抵暮思披解愠風涼
藥不如冰有效炎氛難遣扇無功試將桃李充
飢渴顆顆墻頭熟滴紅

少年曾蓄千年志百事今無一事能避暑茂生

傾綠蟻

梁帝纂要夏木稱茂林古飲便涼白壁

點青蠅

群性喜涼每盛暑必冷石井堪渴消

滾塵踪不可仍一自熱場遭斥遣此心今已

冷如冰

喜暑雨初霽

未雨陰雲忽四垂雨餘雲日迫添姿度階滑甚
行還却枕簟涼生卧自宜樹上一鳩仍喚急梁
間雙燕得歸遲素林禱罷甘霖注恐是商巖得
用時

直書所事

此身久不列朝行坐卧惟安一草堂手剔滿梳
多白髮口占一曲半清商着棊太勝難終局服

藥魚功再檢方省事間人還有事相尋漢父詠
滄浪

客有訛傳將起用予者中夜熱甚不能安
寢獨步望月作爲此詩

每逢貴客起談鋒自是輕狂世不容無復蒲輪
徵北上惟工辭賦待東封暑中高枕安眠火病
後巡簷舉步庸月掛松稍臨夜半倉皇疑是吐
珠龍

間述

相隨漢父久垂綸手疏辭官十五春身似長卿
常抱病產過仲子不爲貧向時牛馬隨呼應近
日鳧鷗情益親倭寇已除齊寇執不妨長作太
平民

蘇人郭第跡五遊向予索五遊詩

家在兩非湖不羨遍登五嶽更探竒壯遊萬里
如司馬能賦三都逼左思路費囊中携善藥執
儀筆底掃新詩羨君久客長無乏是處逢人善
解頤

喜雪三首

氣和千里晚烟橫瑞雪飄蝶翅輕鶴鬣遮身
不受濕鹿皮戀首亦多情松風共作牕前韻梅
月相將分外清地脉不乾春更好豫修耒耜候
深耕

雲盛誰知雪倍增朝雲未散暮雲興眼迷玉宇
三千界身在瓊樓十二層擁篲急除妨出入把
盃欣賞醉曹騰從來宜麥須三白朝野簽載云
要宜麥見三白東國連年歲不登

往時冬雪每愆期今歲連陰雪不遲畫閣光搖
宜夜宴烟樓濕透強朝吹冷侵詩客吟肩聳影
襯嬌娥舞袖垂喜有同心長聚首更無孤客滯
天涯

書雪三首

錯認荻蘆無此白早梅只是綻南枝漫天爭親
揚花亂落地能將物象移隱隱樓頭昇旭日冷
冷簷下滴水澌普天慶幸逢奇瑞上慰農人是
有私

雪似^勢翩翩那得似長江浩々滾波瀾蕭々木葉
霜前落片々^梨梨花雨後殘寂寞祇宜沽酒賞排
徊幾度捲簾看東皇早把東風借多病年來不
耐寒

寒烟匿日澹無光弱雪那禁風力強窓上似聞
蟲撲殺庭前爭覩蝶飛揚豪門酣飲消金帳茅
屋皆成白玉堂東去難尋三島路北瞻何處五
雲鄉

夜雪三首

至後逢昏便不晴隨風歷亂雪花輕映梅疑是
長春苑帶月真如不夜城明日頓高芻米價深
更又聽管絃聲多因節近兼嘉瑞盃酒酣歌民
樂生

漠々寒雲失翠微燈花絕落雪花飛分敷草上
嚴霜色點染梅稍淡月輝帚擁霏霽驚玉屑琴
彈白雪拂金徽詰朝獵戶來相約狡兔狻狐早
見机

窰螯水龍魚處吟危巢凍樹惱棲禽倒垂冰筋

玲瓏色斜洒蒼筠瑣碎音冷霧偏來添厲氣暖
風何日散層陰普家夜幸緣何事定策平南遂
夙心

大雪書寒

雪盛如翻百宝車雪餘冷氣浩無涯衣添狐白
身仍慄缺乏鴉青酒用賒忽憶衝風曾出塞幸
然起暖早還家堂前墻下風猶可尚勒紅梅未
吐花

大雪夜寒二首

訪戴尋梅興已孤千溪萬徑總窮途珠宮隱約
雲中現銀闕蒼茫眼底殊綺戶無風簾不捲璫
臺有月筆難圖一冬今夜寒為最溫室堅冰滿
玉壺

兩次凌寒^寒塞上行歸來多病卧南榮憑欄玩雪心
猶懶伏枕聞風夢亦驚報道田中十字裂從交
至後一陽生暗傷歲月催人老不但冰霜冷宦
情

阻雪憶友

候神奉戰海神朝靈雪三冬五度飄義輦驅龍
騰碧海仙人騎鶴下青霄踈梅破白爭先發古
栢凌寒獨後凋良友山下空坐憶雲深路滑不
能招

雪中遊廣嚴寺

漫遊蕭寺雪交加好似瞿曇雨宝花雲葉看來
真貝葉法華誦罷玩瓊花紛々祇樹皆銀葉滾
滾恒河湧玉沙惟底雪深迷去馬化城岐路本
來差

踏雪

霰飛長在雪飛初皓色須臾塗我廬吠犬南華
蝶入亭牧羊塞北鴈傳書閑披宿草搜潜兔遍
探寒梅策蹇驢遊獵且乘野客興賦成何必待
相如

雪中送別

披簑漁父卧銀沙淡月踈梅照影斜好似戰龍
飛敗甲堪憐良驥伏益車神光豎立達摩側人
神光事達摩不動陶穀何如太尉家送客江亭難
雪中豎立不動陶穀何如太尉家送客江亭難

邊別臨風投贈以瑤華

雪晴

夜雪朝晴景色異
蒼崖垂冰溜樹花開
風吹樹杪
疑花落日照簷前
似雨來曝背
暫移堂上榻
暢懷頰覆手中杯
瓊樓寒暖憑誰問
萬里君門望屢回

清明日山行遇雪二首

往年花柳弄春姿
風霰凝寒今較遲
兔走難尋團草穴
鳥驚高折帶巢枝
雪飛不似清明日
雲

堪稱綠暗時
世遠知音當更少
有誰繼和

雪山巖久已殘
禁烟之日復迷漫
掠雲裊霧

濕夾雨因風尚作
寒牧豎向人爭斗笠田

翁邀客具盤飧
解衣籍坐茅茨下
過者應將圖

清明雪中墓祭迴有序

墓祭甫畢忽憶城有雅會
日薄暮而雪轉加自限不能赴矣
即有兩青衣手持

邀簡 而口稱衆客惟散坐必待予行
酒予不得已馬蹶疾足僕用火年衝風
冒雪而旋途中作爲此詩至則遍呈座
客

一天飛絮滾風前衝冒歸來赴綺筵綠蟻相對
銀鑿落白駒馳突鐵連錢節運難得花如雪日
暮違者柳帶烟寒食不逢明媚景林居十度閱
芳年

來去朝 京出郡城足占善政得民情北來父
老相持泣南去兒童喜笑迎寂々訟庭秋月皎
蕭々官舍晚霜清時同叅佐街前過驕從曾無
疾厲聲

遊新買磨上莊

昔年過此愛清幽綠柳陰中隱釣舟豈意一朝
爲我有始知萬事不人謀假山冷鑿真山骨一
水平分二水流碓磨但取中半利養生從此可
無憂

村居秋興一韻十一首

終日江鄉長嘯傲
一秋城市懶經過
擘舟勝有滄洲興
扣角聊爲白石歌
細數眼前知己少
堪羞世上取名多
半生事業同漁父
百歲光陰感逝波

村中魚鱉難將敬
略備盤飧待客過
日映山光
摧几席風傳水調
溢絃歌清罇興發
偏嫌少白髮年來
校又多侑酒惜時
招野妓塵生羅襪
步凌波

山鳩江村非一所
此間風景更無過
靜聽濟水
漁郎曲不羨平陽
子夜歌雲外鴻飛
秋後城樹頭鵲
噪晚來多隱淪願
附龐居士勲業何
須馬伏波

軟熟耻爲隨俗態
安閒且自待時過
客來幸有盈罇酒
僕病強爲拍板歌
庭樹不搖風乍歇
井梧半落月偏多
得歸自是歸來好
難道賢愚共一波

老年歌舞猶豪氣
遊寺邀賓久未過
佩劍授來

燕將舞洞簫吹出楚人歌
曾來谷口足音少果
是名山僧占多自幸告休還不暮
膠舟何事犯風波

嗜音玩物真爲病耕釣生涯他不過
博古披圖窮款識審聲按擊節
按笙歌耕牛山下紛々滿浴鷺江邊對々多
不是鋤犁終畎畝便須蓑笠

老烟波

架上典墳爲老伴門前車馬孰相遇
相交友誼惟三益叅破經疑喜獨歌
刺々言輕寔行火行

行車重載書多新來悟得先天妙
夜月無心印

碧波

勘破繁華如一夢俗情官罷每難遇
安居已是三生幸憤世何勞五噫歌
交友必從擇友始知人全在閱人
多年々拉伴同登眺家近蒼崖與

綠波

讌樂只嫌良夜短光陰疾似白駒過
多情注視纖腰舞老作宜煩皓齒歌
倘得由今躋遠壽不愁來日苦無多
躬逢家國隆平日東海傳聞久

不波

一秋廢學緣多病
百歲流光撚指過
靖節漉巾真好飲
馮驩彈鋏最能歌
有謀兼勇為難得
魚行能文不足多
良友文才天下少
愧吾同罷狎鷗波

虛名薄利爭無已
好似雲烟眼外過
縱犬閒觀田父獵
騎牛遙聽牧童歌
菜羹內香而滑菊
酒床頭旨且多
林下湍前皆樂事
仕途何苦久奔波

春日遣興

引病東歸卧舊庵
前景物似江南
窺簾晝永來山鳥
成繭春深半野蚕
風外沸泉聲不斷
雲邊綠樹^影相參
山人非是遜名利
名利曾來性不貪

寄題李蒲汀尚書藏書樓

兩世尚書百世芳
書樓突兀應文昌
古經當日曾分借
新刻別來屢寄將
皇甫一車蒙國賜
景文百軸作家藏
忽驚螢火簷前過
疑是燃藜夜

有光

用前韻寄題晁春陵藏書屋

世史子長名姓芳春陵父子俱官翰林雄文巨筆述明昌

牙籤悉付僕奴掌緗帙頻勞使者將蝌蚪周書

掘塚得龍蛇禹刻出山藏讀書莫作匡衡壁自

有窓前明月光

歸田後謝招隱數君子

相知苦勸及時還書奏明光願乞閒交友共起

形跡外罷官免在是非間氣虛病愈聲猶壯耳

順年陸步不艱畋獵樵蘇勤稼穡餘生三事不離

山

孟冬河上遇羅海嶽

不携書劍客天涯因病休官理釣槎風急走沙

埋凍樹雲殘露日照寒花偶于河上逢詩客便

向村中覓酒家魚賤不能拚一醉半留蓑笠半

相賒

庄所書懷

薄劣自甘終棄置病衰不復夢朝參閒居久把

魚磯占仕路，魯將虎穴探。綦士遇吾長，敗北將軍對。客話征南兵，戈綦局皆机。智二事從今誓，不談着綦謂之手談。

張順齋鼎文冬夜月下寫詩見訪即席奉

答

擊戶投詩墨未乾，鶴驚犬吠夜將闌。僕從隣舍忙賒酒，客到門庭始具冠。生炭共煨烟氣煖，破牕透入朔光寒。飲酣耳熱歌還嘯，雄劍床頭几度看。

寄御醫意菴王璵罷官南歸

意菴良劑衆無同，近效兼能奏遠功。病從內作吾何有，醫書言先富貴後貧賤病從內醫已旁通。爾不窮後會，那能前定日。廢居莫效左書空，生平輕利行囊少，數卷方書一藥籠。

歲暮書懷

簷下冰垂雪已晴，雲邊斗轉歲將更。靜居細玩先天易，勇退非干後日名。酒可留賓當盡醉，賦能結主不須成。莫愁寒谷春難到，但被東風草

自生

雪中友人晚訪登樓酌酒攤韻賦詩共二首

獨坐方愁雲不開
泉賓似約雪同來
玉鱗徧洒
鴛鴦尾
金酒頻斟鸚鵡杯
海若鞭龍朝貝闕
仙人騎鶴下瑤臺
競揮彩筆吟飛絮
慢跨銀鞍歌落梅

雪中樓上好登臨
况有同人愜賞心
玉蕊似欺山月皎
銀沙偏助海雲深
逐群呦鹿迷新跡

翅歸鴉失舊林
授簡誰能居客右
詩才貴速莫沉吟

立春日雪二首有序

王浚川謂遇雪每以袖承之更無五六出之分也則似涉有意然花有五瓣六瓣之不同又有朝開暮合朝榮暮瘁者皆造化之自然非有意也戊午十二月念日立春雨雪驗之果是五出詩因首及之

六出今朝成五出新年預卜是豐年色迷樓外
玄結雲勢比灘頭白浪旋與客看山皆玉笋呼童
買炭費青雪錢雪花因暖多成雨不待梅花春
信傳

門前鼓吹青神過散酒延賓熾炭紅南浦雲屯
連北渚西堂霰集有東風河水解結春聲動堤
柳將舒淑氣通粒點山城成麗景遊人報道雪
之功

立春後再雪二首

秀才馬惟則喪其弟惟一詩以悼之

半窻風雨殺殘更春草池塘夢不成可惜長君
魚伴侶始知造物忌聰明空餘大被兼長枕悶
對孤燈暗短檠淮鳳齊鳴一已失噉又聽斷
鴻聲

上巳三首

上巳芳辰賞不違流觴籍坐釣魚磯花心映日
沿堤柳吐絮隨風滿路飛耽染衆賓及晚照雜
陳百戲競春輝吾身宿垢時常洗莫恠臨流不

解衣

繡江橋北東流水可滌塵襟蠲百病蝶翅戀花
臨几席鶯喉分韻與絃歌舞雩點也堪同調脩
禊義之不是過近午暖風薰似酒令人不飲醉
顏酡

上除風景樂偏饒萬丈天絲帶柳條此日晴明
蚕事盛暮春和煦鳥聲嬌輕擺不斷矜彈手款
折難持羨舞腰買笑莫須深惜費塵身雖潔鬢
蕭騷

贈訪道芝田高翁

逐歲遨遊不齋糧終宵坐伏睡魔王玉池時有
蒼龍戲金鼎驚看赤鳳翔子晉吹笙因跨鶴初
平叱石盡成羊請君勿走多岐路仙術無如魏

伯陽

端午三首

重午曾聞產孟嘗莫云是日不為祥辟兵共挿
靈符好續命爭誇綵線長當戶相傳懸艾草誰
家初浴出蘭湯借衣授妓資遊戲武玄門前笑

太常

龍舟競波興雅乘盛節重逢思不勝未晚書符
防毒蝎得時擾席嘆飛蠅旋收藥品隨時俗滿
酌蒲觴散鬱蒸夜夢賜衣仍舊景醒來虛妄好
無憑

謝政家居百不忙每當此際喜如狂葵榴滿眼
天中節蒲艾撩人分外香角黍猶生隣晚送黃
梅初熟客先嘗將臨夏至惟三日轉覺間中日
月長

是夏初八日

暑中大風雨張龍岡寄書適至

風捲園林枝掉地更驅猛雨勢喧虺讀書不覺
忽漂麥探箭俄驚已送梅白扇慢搖知僕倦清
樽雖具共誰開閉戶孤悶方難破喜有天邊書
寄來

七夕二首

乞巧高樓意幾端穿針獻果笑團團巧如蛛網
將焉用拙比鳩巢亦自安七宝奩邊情未已九
華燈下夜將殘緱山白鶴真難遇文擬宗元似

不雅

氣白銀河喜有北

天漢中有白氣風出記以為得乞之兆

風清玉

宇淨無塵瑞烟直上香三炷素影斜穿月半輪

天上佳期牛女會人間令節日時新停梭一歲

惟今夕促織何須聲太頻

題携妓送別圖

群妓留連一馬嘶行囊結束候前溪盟言附耳
期重會素愛關心忍解携雨後含顰花載道風
前捧思柳盈堤獻勤更有奴堪恨催說登程莫

執迷

謝鄭石南惠詩

別後詩來感不忘鄭虔名譽播詞場行邊每少
長途費囊裡惟餘寡和章北日棲身聊濟郡何
時携手上河梁可憐落魄蘇臺客歲々携家在
異鄉

贈王杏里亞卿致政用舊贈詩韻

久行寔政遠虛聲亢直誰知悞一生言路固然
騰異議鄉人自是有公評過家每次如孤旅報

國真堪任九卿晚節無慚官已免冰壺徹底有
餘清

簡揚東江都御史

月中自補登山屐雨後誰同淡水航念爾居憂
常簡出令予獨樂不相將無求世用心如石知
命年臨鬢鬢霜未待得服除讀禮罷千篇詩賦爛
雲光

崔東洲亞卿寄到中麓草堂詩如韻成二
首自詠兼謝東洲云

久客心馳泉石側允休疏出建章宮每驚水荻
憐頭白喜有山花照眼紅數日即看分健病百
年始可定窮通靜修矜羨形如鶴豪放猶能氣
吐虹

晨遊不離清風鐸夜晏如遊明月宮堤上垂楊
搖嫩綠倉中積粟有陳紅故人信斷雙魚遠太
史書來一鴈通讀罷床前看空劍冲霄猶自氣
成虹

附東洲原詩

萬流迴處孤峯畔
三麓中間一畝宮
龍脉直連雲
屏削碧雞聲催日海
舒紅蓬萊影對滄溟
濶岱岳光分戶牖
通地主愛奇
今李白百篇斗酒氣
如虹

孟渭泉大叅自川中寄詩依韻奉答二首
卮酒能分淄與澠
別君豪飲又何曾
王通講學存中說
嚴羽談詩得上乘
當日興程
雙玉管通宵對坐
九華燈詩來萬里
遙相望明月危欄幾
度憑

席前喜有酒如澠
醉後高談憶昔曾
入道不須成九轉
叅禪相與演三乘
身中自有長生藥
言外難傳魚盡燈
別後新知誰可語
南鴻欲托恐難憑

附渭泉原寄詩

城東一水接淄澠
弭節相遇記屢曾
博古無如識宝鏡
談詩真自解玄葱
猶見園中樹耿
耿難忘夜半燈
齊蜀山川萬餘里
青雲停處望常憑

廉訪使蔡白石過訪奉贈詩二首同韻

外臺肅肅凜秋霜執法兼餘翰墨香博學堪稱
周佐史能文再世蔡中郎矜者北上朝 楓陛
暫爲東巡過草堂久別重逢吾已老羨君年貌
尚清揚
別後心思耿不忘年少名譽擅詞場外僚已歷
兩三省登第今餘二十霜雲霧我甘爲豹隱風
雷君自効龍驤會承 簡命登台甫 和明良
及栢梁

贈鎮山朱方伯過訪

清如玉露浥金莖明比金波映玉繩南國共稱
真外士東方望作大中丞他年麟閣登朱穆此
日龍門愧李膺千里霜蹄猶偃蹇九霄風翮會
飛騰

壽李脉泉七十歲八月十六日誕辰

望後正逢初度日仲秋景色此爲嘉人間涼薦
金飈爽天上晴沆壁月華壽及七旬無白髮丹
將九轉有黃芽歷年自此應無限幾見桑田變

海沙

壽謝南園用贈脉泉詩韻

壽臨七十精神健
誕日延賓情興嘉
喜見眉邊多道氣
不愁頭上有霜華
世間甲子難拘數
塔下蘭孫競茁芽
仙術五羊能化石
身輕一鴈落平沙

田間四時行樂詩次韻一百首間有言及

武事者亦安不忘危之意云

裁素閒却栽花法全拋相鶴經亭午日穿

泉眼赤早春煙鎖柳人青權將鴻寶藏空谷莫奮

雄韜討不庭人主壽昌先有驗南方特見老

人星

竭來林下消長日
逸莫沉酣在六經
遠眺城邊

江浩一長吟河畔草青一新生雨竹枝當戶落

盡風花葉滿庭
睡起為農者
早晚松稍猶掛兩

三星

元夕家居思舊事
皇都佳節十餘經
天街月色

香塵淨戚里
燈光寒焰青
鼎沸管絃紛聒耳
筵

海沙

壽謝南園用贈脉泉詩韻

壽臨七十精神健
誕日延賓情興嘉
喜見眉邊多道氣
不愁頭上有霜華
世間甲子唯拘數
塔下蘭孫競茁芽
仙術五羊能化石
身輕一鴈落平沙

田間四時行樂詩次韻一百首間有言及武事者亦安不忘危之意云

裁素閒却栽花法
相馬全拋相鶴經
亭午日穿

泉眼赤早春煙鎖柳眉青
權將鴻寶藏空谷
莫奮

雄韜討不庭
人主壽昌先有驗
南方特見老

人星

竭來林下消長日
遮莫沉酣在六經
遠眺城邊

江浩一長吟河畔草青一
新生雨竹枝當戶落

盡風花葉滿庭
睡起為農看早晚
松稍猶掛兩

三星

元夕家居思舊事
皇都佳節十餘經
天街月色

香塵淨戚里
燈光寒焰青
鼎沸管絃紛
聒耳筵

開玳瑁悉充庭競奢火樹紅于火奪目星橋疑
即星

山上築臺能望遠學傍建閣爲尊經花開魯甸
三春麗烟謁齊城九點青糊口幸餘千斛粟潛
身只可一茅庭傍岩耕讀今何久手撥沙書點
筭星

難得題名高士傳日長自草太玄經池中雨急
荷翻綠堤上風微柳漾青協氣依々連井邑祥
煙燁々統門庭避凶趨吉憑時曆豐歉還須卜

歲星

夏初春盡禽聲變綠慘紅愁宿雨經一帶江雲
飛練素千尋石壁斷空青窮經懶效胡安國博
學誰爲孫過庭禪定自能生智慧胷中一點烟
如星

若逢閑歲難栽樹日落休看細字經星月一簾
秋色淡霜華四野燒痕青少狂有志清邊塞老
懶何曾出戶庭濁酒自斟還自飲地爐煨火撥
殘星

尋思得用惟農譜沉醉還來看酒經石礶千尋
秋水濶天涯一點晚峯青橫斜石徑通仙閣新
舊蜂房傍客庭水氣蒸烏千里霧池萍冷浸一
天星

潛竊 如甘放肆元經豈可續麟經池邊洗硯
魚吞墨樹裏爭枝鳥泛青投轄留賓開夜宴侑
觴出妓鬧秋庭從今爛醉心無愧天上元來有
酒星

會心適意非竒遠一半傳聞一半經郭外好山

當戶翠階前茂草透簾青晚荷過雨香生座秋
水平橋冷滲庭尚記此間嘗避暑忽然換物更
移星

彈冠結髮羞王貢學讀淵明山海經池沼雨餘
千尺碧松篁雪後十分青崎嶇礶谷如名岳浩
渺煙波即洞庭乘興豪遊無不可閒愁贏得鬢
星星

典却朝衣權當酒平胡策做化胡經雪梅映月
三重白官柳迎寒一半青忽夢朝儀思魏闕如

聞廣樂奏虞庭醒來彷彿天香在萬朵祥雲護
景星

面山結舍聊棲跡近寺爲園好誦經冬柿爛如
仙掌赤晚山色似佛頭青何時炎漢虛前席莫
聽亡陳唱後庭前古事爲今日戒空中星卿水
中星

半生歲月成虛度仕路艱危已飽經不耐秋風
淩鬢白坐聽夜雨一燈青上書即日歸農畝杖
策當年謁帝庭知足二疏能不辱古人鑒戒

炳如星

何日生男承世業百年誤我是儒經踈迂無復
弓旌召名姓難垂漢簡青能使河西知國法善
追漢北掃王庭世無知己成何用天上長明處
士星

閉戶學書窮鳥跡不如伸縮效能經詩成洒翰
花箋濕病起隨身竹杖青莫爲微瑕捐白壁長
因無事讀黃庭新來悟得長生訣覽鏡何愁兩
鬢星

罷吏歸田十四載帶耕牛角日橫經風吹北渚
千層綠天共東峯一色青歲熟村中休閉戶化
行海外盡來庭大開文運銷兵甲奎次行省聚
五星

若望行人占鵲噪有閑田力是牛經雲生東海
天邊白雨過南山外分青對客停盃調舞鶴呼
奴擁帚掃閒庭田家樂事隨吾取不用芳名耀
日星

自知命蹇官當罷莫恃才高國可經且放酒盃

追李白喜聽歌調對秦青山高裊々雲生榻木
落娟々月滿庭此地幽深堪避世人間爭覩少
微星

火狂自負明三略白首何曾守一經烈士暮年
心尚赤故人相見眼偏青嘗因典禮覩司室不
復聞詩過孔庭無事且遊鷺鷺渚有時氣逼斗
牛星

習靜嘗爲龍鬣法老來翻愛虎鈴經王通有意
譏楊素汲黯何曾拜衛青數欲驅兵清紫塞魚

由攄策報同庭^形青雲難附身
唯致甘作東方老
客星

喜向風前吹鐵笛
時從月下了殘絃
邀遊海島
三山秀占斷園林
十畝青二麥抽岐
迷北陌
三槐布葉遍中庭
老農老圃吾皆是
早起遲眠每戴星

讀書若只圖高貴
金紫銀青汚五絃
身佩金魚衣衣紫
手提銀印綬垂青
良平決勝居帷幄
頗牧由來在禁庭
今世只知輕武弁
何人可以應

重歸墨採藥今當代
踏青踪跡祇宜終
草莽勲名難得著
邊庭誦書搗藥常
無寐破屋寒牕夜
見星

不飲蘇公能酒譜
知音諸葛著琴絃
中書目
諸葛武侯
著琴絃一卷述琴之始
及七絃十三徽之音意
鏡中綠鬢難長綠
天際青山不斷青
瑟瑟秋風鳴古木
蕭蕭夜雨洒空庭
五更天霽催農務
殘月相將數點星
能使此身為保障
絕勝舉足即為絃
霜侵甲帳鬚長白
雲壓天山色不青
兵向回中行鳥道師

臨老上掃龍庭爲防夜警鳴刀斗敲落天南海
北星

古來將相原無種經術須將世務經債帥擊盃
浮蟻綠佳人疊髻擁螺青果卿斷古忠唐室衛
律將身陷虜庭錦帳藏春驕白馬安能死義錯
華星

授徒不在分章句得意忘言默會經帶雪白梅
如雪白出蘭青色比蘭青群居言必稱先聖靜
室心如寒庭机事不留情易見一輪皓月滿

天星

古字難尋蒼頡刻今文章有伏生經年來好古
心無倦夜讀燃藜色自青經學由來能治國發
言何貴但盈庭文書秘府誰爲主東壁煌煌有
二星

北地多因羊致富西方曾用馬馱經歌兒裙染
榴花艷醉客盃浮竹葉青梅月徘徊侵夜榻草
花紅紫鬪春庭殺羊酌酒紛歌舞夜誦書經襪
彗星

可遣閒愁惟繪事能通戰法是棊經莫須善
同崔白但學知兵似狄青鐵騎真能犁草地銅
符豈是仗椒庭生前已極人臣貴歿後還應爲
列星

戰陣頗窺司馬法從今不閱度人經山高日落
榆關黑斗轉春迴柳塞青蘇武終能持漢節包
胥何故哭秦庭射鵰弓勁彎如月鎮虜臺高可
摘星
飲壤十年三大有兵戈到老幾曾經不將負戴

猶星

勅下得歸田里日途中舊館又重經當時幼主
俱頭白在抱嬰兒縮髮青新葛落机裁野服古
書插架列山庭閒居有幸同劉向晝讀遺書夜
看星

身非季世龍門子酒誥無勞答食經老至不遭
兵火亂朝炊惟見竈烟青方驚臘雪迷丘壑忽
復春華照院庭身後聲名真散屣眼前歲月似
飛星

閒時始覺忙時苦往事如同眼
下經春到園林
隨處綠夜來鎖闥夢迴青餉
邊馬走盤龍路典
選班聯振鷺庭三百同年冷落
甚四方相望若
晨星

出入防身藏寶劍朝昏漱口
誦金經心如古栢
長魚改標厲蒼筠寒更青浴佛
近遊黃葉寺懷
人遠在紫薇庭今雖禪寂吾忘
我兩度曾爲出
使星

畫中似理曾搜索世上人情久
慣經誰道范寬

惟水黑共稱玄本善丹青琪花
爭發白雲寺幽
草環生甘露庭更掃天文爲潤
障森羅萬象拱
辰星

身輕力捷能登眺辭却經生不
說經日落遠山
凝暮紫雪深衆樹現冬青招邀
酒客同詞客汎
掃前庭與後庭農事一年分早
晚全憑拭目看
中星

散仙不閱明臣傳澤國相宜惟
水經風急芰荷
迎舸綠夜闌燈火向人青只須
折柳樊農圃不

必者火出內庭養馬農家上寫計每因良夜祀房
星

眼前異景憑誰語心自知之身自經兩道湖光
分鏡破一池荷葉疊錢青清風拂々雲歸舍瑞
靄霏々月可庭木黍秋成今七夕佇看銀漢會
雙星

因忤權臣遭斥譴甘爲林下老明經棠花似錦
根如鐵海棠鉄脚者佳柳絮飛綿葉却青無數牛羊紛
蔽野成文獄鳥每棲庭樓頭畫角吹殘月更愛

漁燈撒亂星

若欲不爲寒餓累請看范蠡種魚經日生海底
雲霞爛柳醮江頭波浪青與客閒遊登盡舫呼
奴急去閉芳庭隨時取樂無他慮夜々簷前有

瑞星

三省不如通一貫莫將列傳去求經垂揚頓改
迎霜色老栢偏能冒雪青要把存心爲處事不
分私室與公庭鑑空百物方能照世羨衡平爲
有星

仕宦亨通宜退步林泉熟讀淨名經中天月麗
天花墜東海雲生海氣青天下雄文稱翰苑寰
中協氣出宮庭堪嗟世變人心壞誰是豪賢上
應星

新來頗興高僧暱慧遠相隨夜譯經不羨金章
拖綬紫堪羞玉臂貫銅青掉歌啞風迴枕香
靄空蒙月半庭九月授衣今七月仰觀天上走
心星

平生志行布宣聖惟在秋春與孝經金帶今橫

三品赤寒毡曾坐十年青定將姓字題麟閣權

借刑名駁訟庭筆下文光能耀日匣中劍氣直

衝星

此下三首贈張龍岡以
大中丞陞南大理長卿

鍾鼎山林稀會面對床誰與折疑經吾今獨苦

頭先白子昔同升年正青將往南都官棘寺暫

旋東魯省萱庭判花戲綵原同道南極星兼執

法星

曾爲太僕遊滁郡南北官程兩次經拖練湖光
浮淺碧揉藍山色染深青理卿擢自棲烏府廉

吏仍居旋馬庭指日登台還踐斗早朝帶月更披星

相法要知生共尅通神照膽乃奇經相法有通神照膽經

面顏長帶明而潤氣色惟嫌黑與青自喜山容

蕙野態元非日角及珠庭何人寫照浮其寔炯

炯雙瞳類曙星

半百行藏今已定何勞更筭玉衡經寒生幽谷

蘭猶馥春到陽生草又青勿用潛龍淹魯國不

鳴一鳥止齊庭老年莫話當年事手撥天官袖

拂星

良夜深秋長是醉醒來時省葉珠經床頭甕煖

新醅綠堂上繁寒舊蠟青追憶宦遊淹客邸久

羈名利遠親庭歸來負郭田千畝勝作微垣一

小星

微逐沆塵為客久舊遊佳境似初經爐中縹緲

香煙細橋畔招搖酒幔青棄却少卿離宦海偶

逢醉客過禪庭夜來打坐長無寐聲震如雷有

變星季冬初六夜星落有光燭天聲響如雷自東南直至西北

從今緊閉談天口 袖裏長携道藏經 持鉢降龍
潭水黑開籠放鶴 野田青人烟不斷 千家市風
雨 唯遠一漏庭城市 久藏逝世客 海中亦有魚
名星

白藏忽復迴頭至 朱夏如曾轉眼經 風急池
搖羽白 天晴顛棘蔓 絲青秋生樹 杪涼侵席斗
掛城頭 月射庭 獨步閒階 何所見 南飛烏雀伴
稀星

男耕善識 運和早 女織平分 緯與經 熟煮山精

松火熾生 調野菜 海益青 隣家借 畫遮顏 壁入
院 驚心如我 庭間里 交情同一室 依巖結舍 蜜
如星

洗耳惡聞塵市語 清心專聽法王經 風吹蜜竹
山齋冷日映 垂楊野店青 逐歲雲遊輕 去國通
宵露坐 不居庭 叅禪悟道多 竒跡見者驚 疑是
謫星

窮通得喪尋常事 晦暝陰晴儵忽經 貪長花枝
遮牖暗 新抽竹笋 過隣青 晚來雨歇 雲歸岫 行

見雲拖雨洗庭色正芒寒光萬里麗天今夜有
繁星

能把通玄閣通一竅何須萬卷讀丹經仙方點
出黃兼白俗眼難分皂與青呂祖降時雲滿屋
人^高去後榻懸庭黃虛聲裏香烟裊晝拜明師夜
拜星

東國河山稱十二遠覩形勝揚圖經滌滄東注
無窮綠齊魯西來不了青無客莫登臨水閣有
時斜倚面山庭要知分野元何屬角亢虛危及

氏星

飛 寂滅元同調往日曾參二氏經靡草靡能
經夏綠長松長是時四時青偶從道院遊禪室爲
構新齋毀舊庭戒律堅持終了悟一方滿月一
壇星

燥疾宜居卑濕地求仙定要熟仙經岸崩雨溢
江分綠風掃萍開天倒青一日悟來登道岸三
生有幸列仙庭吾身不啻千金重世上浮名直
幾星

坐破藤床懶出戶補拙缺卷讀蓮經天下蓮花

予為尋補其三今為全經矣滿池夜雨朝凝碧排闥春山晚

送青莫謂天高欺暗室只緣地暗起高庭風吹

柳絮紛飛雪日射沙洲閃燦星

寂坐月餘無箇事兩株松下下函經澄江印月

連城白峻嶺浮嵐遠郭青波底潛鱗或躍岸山

梁雌雉每窺疾仰瞻玉宇無塵染逼近銀河倍有

星

徒薪借劍心難遂分黨相攻今再經皎々食場

憐駒白營々止棘惡蠅青放流不欲同中國棄

置真如在掖庭得罪當朝權貴府相知一夕遂

分星

杜老獨推覃氏子以其出處必須經蕭々鬢髮

遊燕素歷々山川入魯青獨木橋通三岔路雙

流水逸五楹庭地中勁氣無如濟百脉泉飛擬

送星

人情更比秋雲薄世態猶現博塞經逝者如斯

江自綠久而不變栢長青得遊韜晦逍遙境何

羨承明著作庭禾稿喜逢風以雨誰知昨夜月
從星

事閒地僻書宜讀特遣兒童遠借經羨稼平鋪
盈野綠高梧遠望半天青入山客路臨花塢傍
水人烟結草庭存有幾家猶自給幾家轉徙已
零星

書藏萬卷何書好得用今知惟道經翠柏魚珠
冬夏翠青山不老古今青苑邊舊卧纍_二塚河
上新成殖_二庭_庭修真能住世免隨荒塚蜜排

星

百工技藝寧無術炎帝明農自有經智者田桑
特地茂愚夫稂莠比苗青人家運麥行無路婦
女省蚕坐塞庭恐有情農交勸戒相呼惟視啟

明星

學會酣飲蕪醉舞渾忘辨志興離經甕中酒盡
千鍾綠簷外山眠萬仞青未報國恩時望闕盛
張家樂夜喧庭蛾眉嬾月原非月螢火飛星不
是星

家本三齊稱勝地孰知海藏與山經山村春暖
川原媚海岸天晴島嶼青身在林泉心魏闕遠
遊寰宇近園庭壽能百歲如千歲天德生來拱
命星

戶曹試政三年久塞月胡霜嘗再經邊遠似知
離客苦春深不放柳條青素餐此日居家塾餽
餉當年走朔庭穩睡遲興惟待日征途何苦只
侵星

秋杪夜長難久睡覺來席地坐三經

說苑孔子
目於陳蔡

坐三經
之席東方月出天疑曙南畝禾收地不青吠

犬驚風登敗壁啼鶯帶露近寒庭難求醉酒經
十日怕見淒涼有四星

風江夜渡能魚懼只爲長年曾久經霜月穿林
偏慘淡稻花夾岸劇蔥青漁翁相與遊深瀨嘉
客傳聞已在庭收拾綸竿權罷釣歸舟似箭棹
穿星

有興登高寧憚遠坡前古廟往來經年餘雪積
簪中素山上雲生足下青舉目遙覩魚彼界好

花多處是吾庭
耽遊抵暮勞
庄客照炬相迎
回野星

已解金丹四百字
兼踰三十老
明星經臨爐
漸漸成黃白
拾芥輕取紫
青自得真傳
潛道觀貌者相
斷繼踐台庭
凌晨薄暮無他事
禮罷元君又禮星

生來不識天文志
近日閒觀甘石經
歲盡周天方盡度
春迴枯木又迴青
月隨斗柄旋纏次
夜吐寒光照院庭
十二日夜俱指遍
世稱天北攝

提星

郊外風光真可賞
迎春數日又還經
頗疑此地林偏茂
乃是東方色本青
寒盡陽和生蠓谷
暖溶冰溜逸幽庭
一年之計春爲最
恐悞耕田屢驗星

離却室家宵面壁
招呼道友晝翻經
阮生傲世眼能白
魏準驚心體自青
破夢晨鍾來竹寺
駭現秋水漲蒹庭
青錢不照魚多日
梳髮俄垂滿面星

學禪今受高僧傳登第因明博士經被斥迴瞻
楓陞遠分息難與荔芰青燈光輝映分匡壁蘭
蓋芬敷長謝庭百世太平今可卜 帝星聯座
耀前星

叅禪要在超三昧淺學徒誇博九經濫與太常
拖綬紫早遊鄉校曳衿青四維不絕方爲國五
細由來不在庭社稷有同盤石固周親列國似
分星

不驚寵辱方爲貴會得真如那用經黃菊花黃
莖却紫白楊樹白葉偏青門前即是登山路扁
上高標望海庭隱處追思遊宦日郵亭傳食笑
馳星

樂山樂水隨所遇事君事父賴葩經雲迷萬壑
連天黑雨洗雙崖映日青濟水以南俱隱地門
屏之內卽爲庭村居尚惡人烟夥東舍西隣擬
聚星

使傷黃犢耕地乾殺蠹魚讀壁經惡草勤鋤
猶自茂佳禾久旱莫迴青興狂飲竭地黃酒福

薄難登天子庭為宦為農俱不徹立身錯認定
權星

醫始軒岐著內經內經真是聖人經春迴地上
千花發雨足山中百藥青眠食專心調五臟朝
昏淨手誦三庭謂黃庭內景外景也自然無病躋高壽
用逢人講五星

賢于堯舜吾夫子剛述之功在六經有德無權

曾謚素

舊稱素王今復先師

遺編斷簡永垂青二龍獻瑞

曾旋室五老呈祥忽降庭大道昭明邪說息太

陽一出掩群星

在任長者廉吏傳退休只愛衛生經剖開紫蠟

黃初溜思食黃柑色尚青野鳥飛依人飛入幕

山魃戲客故臨庭夜來覓句渾忘寢枕畔驚看

墮一星

外侮內奸為弊久謀臣何日以作常經食貪熊掌

金盤羨賄愛鴉翎宝鈿青餽餉長愁窮內地弱

兵豈可敵胡庭不勝供役民勞瘁搖動長空少

定星

為儒要得言如行作吏誰能律引經禁火有防
民夜作斷烟鮮見皂飛青黑鳥未定棲誰屋白
蝠曾經遠遠澈庭良牧若能勤撫字下民永不照
災星

仕進豈知恬退樂吾今始得洗心經一簾梧月
秋容淡萬壑松風曉色青貴客遠臨牢閉戶高
人投刺始開庭進階久望郊天赦不見先明貫
索經星

甘心溝瀆無人識堪笑匹夫苦自經驟雨傾盆
雲潑墨垂揚夾岸水分青非閉閉塞賢人路只
是便安隱者庭碧漢雲開千里月良宵風定一
池星

贈馬相士有序

嘉靖改元長清相士馬小子一見極為推
許予今衰老無成不能副其初意別來三
十八年今復見之年已八十相術尚不減
於火壯時於其別也贈以是詩

生來不是封侯骨投老甘為山澤癯自幸一身

知進止莫憑兩目定榮枯高年善相君猶爾當
日相推我負吾豈但勲名諸友後病衰今用兩
童扶

贈余星士予素不談命余星士懇乞贈詩
不得已以此應之

歲久惟予餘此生一時無復舊同庚

二十年前
在朝在野

同庚者不下十人
今惟予一人在為社中長煖雞豚酒江上休寒

鷺鷥盟冰鏡照來雙鬢短山精服後一身輕

漁自判生涯了不必從君問子平

舊省長許石城自南都惠詩依韻奉答

曾離選部已多年直道歸田世共賢蓮社日長

招會友花臺風快挾飛仙真詮原自玄中得麗

句從達白下傳衆望召君猶未召能無清夢到釣

天

張東以尚書寄惠芝園文集且以李太白過

許久無便力報謝用石城詩韻奉懷以後

俱石城韻共七十六首

巡撫西川憶往年上瀾南都至今賢羨君詩擬

張平子媿我才非李謫仙竹徑堂開賓從滿芝
園集出世入傳報書未附隨陽翼望折南雲萬
里天

寄餘姚謝汝湖亞卿

堂卿謝政自先年會友徵書起舊賢安石素懸
江左望知章暫別飲中仙崇階滾々三公貴華
胄達々百世傳門館畫長鈴素靜志喜者化日

麗壺天

贈郭似菴二首

鄉舉初逢各問年今番放榜號多賢讓君巨筆
文章伯媿我同舟李郭仙謫戍太離鄉國遠候
書難托置郵傳兩京薦剡如飛上立蹊金雞下
九天

隆平國運正當年武用英雄文用賢可惜才高
如子者奈何降作出班仙朝中劫疏奸謔懼塞
上竒謀將士傳莫爲困窮添白髮且將得喪付
蒼天

寄羅念菴

念菴羅子好同年遺棄何人肯尚賢拂曉治田
借衆叟當時及第領羣仙談經陳說皆魚取訪
道新聞得異傳試看鵬飛須有日扶搖萬里翼
垂天

寄邢雉山

相門相遇正青年初會雉山於翟石門相因宅三百人中尔

最賢代草共稱魚二士探花醉晏第三仙敲碁

是處皆無敵碁禮名以圖工篆留都自有傳雉山同鄉

景前漢能篆書亦登上甲不日重蒙金馬詔五雲深處拜克

天

寄翰林舊相知

國史曾來時繫年歷年英主寶賢惟不須擊劍

三千客自有登瀛八仙翰苑新書從古重鑿

坡舊事至今傳經筵顧問螭頭筆三事從容在

禁天

贈王杏里

外僚駁歷廿餘年至處人稱君最賢南國豈能

長借冠瀛洲重望早昇仙忽騰物遺殊議驚聽未

久人知出妄傳清白操持終不改此心真可對
青天

贈李脉泉

繁華生聚太平年君善知人相渴賢但有徵書
先李氏不須逝世效梅仙福以海外世賜環威
望當朝重作賦文才後代傳紉立玉階方寸地
長朝金闕九重天

贈謝少溪

將棊度日酒為年杜詩且將棊度日應用酒為年局戲何如中

賢聖我喜敲棊君善飲人稱豪客與間仙兩朝
思命千鈞重韻翁任褒封三謝文章百世傳即
有弓旌招隱逸朝天歸後又朝天式俱能文

贈張龍岡

時運如逢大早年高宗專任作霖賢委蛇東省
稱良佐出入西山或遇仙有象太平能坐致魚
聲至樂不容傳廟堂柱石須公等規制巍峩擬
奉天龍岡管西山欽石窩屬運大柱等石

贈劉後峰

青瑣黃門侍從年同時諫議獨推賢一麾萬里
投荒客十載三齊地行仙人靜展舒詩卷讀客
來誼笑酒盃傳囊存諫草休輕棄煉石乘時再
補天

贈楊東江

解組居憂已兩年軍書不日即徵賢朝中用子
爲良輔林下留予作懶仙芳譽由今寰宇滿奇
功自塞垣傳追遊此際仙休嫌數別後相思各
一天

贈門人王大峻舊法曹

記著拾遺王子年何如篤行仲容賢數年遷謫
紅塵客指日飛昇白晝仙彼美丰儀誰不羨斯
文衣鉢汝能傳高才自古終難棄合置鸞坡近
木天

自詠題扇面兼扇上漢唐四賢畫像三首

衰憊多因依少年老來全仗葉囊賢村居事簡
渾如客病起身輕即是仙背後群言從爾毀日
間三省習師傳卑高位列吾中處俯仰何慚地

與天

肥瘦何分冬與年

古諺云冬瘦年

肥養民善政自來賢

陳湯方外塞旗將高士筒中躍筆仙

高士置筆竹筒買者

投錢其中筆自躍出

功業自存史冊上姓名不借齒

牙傳九重夢裏將登盡墮地醒來隔一天

外夷每問裴公年

度名震四夷每年國有出使者夷必向其年號何似鎮

重朝端有此賢名著青編真國士堂開綠野若

天仙佐唐相業人難及平蔡軍功今尚傳天遠

退間能益敬吾身以上即皆天

贈門人羅節軒秀才

多才自媿李延年攻史君同羅秘賢秘曾著及

早文成堪中選有如羽化得登仙滔奇思毫

端湧燁一芳名歷下傳拜舞克階欣釋褐祝君

遐筭願齊天

賀蔡白石陞江西右方伯兼及朱鎮山左方

伯

東方飢饉屬荒年藩臬人稱賴兩賢朱邑將為

司計長蔡經曾遇麻姑仙新遷定作西江福舊

政依然東國傳樞府即看登俊傑運籌帷幄淨
胡天

贈少崇張舉人

繼兄登第後三年東省齊名有二賢勤學一朝
為貴客吉徵幾夜夢遊仙驚聞走對膺魁選不
獨痴書可久傳萬丈文光推北斗一生高義薄
雲天

贈燕峰托蘇雪簑寄聲

修滄窮民可度年雄贊義氣可招賢能文早列

金閨彥勇退堅辭玉署仙玉女有潭島國重簑

翁妙術待君傳此行賓主交相得丹道誰云木

破天

贈雪簑

懷竒端可衍長年侮慢猖狂若自賢不蓄室家
方外士漫遊湖海醉中仙醫方蹴鞠聊同俗字
畫琴聲得異傳金殿成時償夙願此心須不恨

終天

雪簑誓願在名山
起金殿塑神像

戲贈少崇寵妓劉五

芳卿正是破瓜年色既鮮妍人又賢幾夜有勞
文苑客一時得遇武陵仙酒盃勸得羞容減羅帕
偷將窈窕意傳日照牕紗猶睡穩風興嬌怯晚霜
天

詠仙學兼自嘲二首

當日風流美少年如今僚倒豈爲賢幾番病後
全成叟漫道年前半是仙水火煎熬迷後學乾
坤顛倒執仙傳先三更湧出天邊日短棹撐翻水
底天

一朝聞道不論年未必前賢勝後賢術士妄言
朝玉帝庸流豈得謁金丹方易遇人難遇靈
葉離傳火不傳景促易過駒隙日學踈坐望井中
天

書齋題壁

經生屹屹以窮年黃卷終朝對聖賢簾影斜穿
雙燕子書聲經舞一胎仙書前有易幾先洩剛
後無詩妙不傳坐久令人神思倦掩書出戶望
江天

知止二首

生當舜日與堯年君聖由來臣自賢在告金闈
無李姓修真玉籍有名仙寧甘貧賤吾何慕欲
上謀猷孰與傳拂袖東歸齊魯地側身北望紫
微天

村居麤糲任吾年廊廟經綸豈乏賢久繫名韉
非智者不嬰世網好修仙愧無寔行同鄉重浪
有虛聲空谷聲傳坎止流行隨所遇歸途莫待
草連天

間居憶友二首

故友睽違動隔年日中鮮見有材賢深山好作
逃名客幽洞思逢脫骨仙莫肆遊談控國是且
將夙善永家傳聞心最愛琴彈月豪氣何須劍
倚天

病似黃楊厄閏年一心仍欲接名賢朝遊恨少
同心侶夜讀期來太乙仙酒速近隣殊易致書
馳遠友若鳥傳飛鴻難倩雲垂地錦鯉魚憑浪
拍天

論仙聖二學四首

二十年前方壯年月勤舊業日親賢成仙妙術
如成聖望聖真心勝望仙九患惟應加力遣仙
在除六經不但以文傳未能得道先登第時值
飛正御天

讀書忘倦憶韶年剖破藩籬耻獨賢克意要為
天下士成名奚啻月中仙座間良友皆同志教
外明師無別傳閉目幾朝閒靜室舉頭三尺蔚
藍天

風景新年似舊年只爭零落舊時賢九還煉就
長生藥千載能為不死仙已里俗音容易得廣
陵妙譜杳難傳一朝悟得黃庭理超脫塵寰別
有天
如今皓首丁昔年五十無聞豈是賢太上忘言
優入聖人間凡骨豈能仙元關必自心神悟妙
理無庸口舌傳道在眼前人自遠終身仰望若
登天

讀史偶述二首

多病無眠夜抵年挑登讀史羨前賢傳書柳毅
逢龍女苦節新君號鹿仙辨鹿仙與鹿遜季子

聞詩知古樂叔孫制禮肇臚傳蘇章持法人唯
及堪笑清河倚二天

素下持金狎妙年秋胡悅色殊非賢杼投曾母

因三至柯爛玉樵遇二仙莫灌城狐虞有損豈

知市虎出訛傳廢書起嘆唯成寐坐待銀河沒

曉天

送蒲洲吏目表一新

之官蒲郡正芳年扶植全憑太守賢末位勿憂
難作吏布衣爭羨若登仙早敷善政民心慰懸
聽歌聲衆口傳道近莫勤鄉國念太行中斷不
分天

自省三首

靈藥成時可引年生平遠色急親賢不携私妓
兼官妓要識人仙與鬼仙古訓眼前常日省諍
言背後任風傳易盈龜鼠河中水小見醯雞甕
裏天

村有良田人有年朝無倖位野無賢雄豪文讓
眉山老枯淡詩同賈浪仙葉熟長招青鳥下枝
高似出白猿傳生年一事無堪取仰畏踈而不
漏天

力田屢幸得逢年林下同遊有七賢同鄉自台省方岳一

時歸林下門僕報來不踈客鄉人目作大羅仙

飲情酒渴還須買適興詩成不用傳浪喜年前

通大道只今猶是管窺天

謝客讀石函記感悟

眼看六十欲臨年莫効方人賜也賢懸榻從今

辭故舊閉門終日學神仙石函有託由心悟丹

道無言難口傳雞犬吾家俱過望何時技宅共

昇天

病中讀道德經感悟

蹉跎學道動經年諸子無如老子賢對客高談

仍壯士迎醫已病疾類癯仙間愁莫把雙眉蹙妙

法寧容六耳傳千日無聞須有日後天頓悟即

先天

詠仙學

暮景難同昇盛年不能希聖與希賢
帝都久別青雲友人境深藏綠野仙
要悟中玄為自得羞稱下學可言傳
道成端得延長筭我命須知不在天

冬月祖村會客

同遊南墅值殘年媿我難稱地主賢
歌舞家童粧假妓笑談座客認真仙
雖云隱僻鄉村遠祇恐風流城市傳
莫棄卑微輕遠別不時胡雪洒

冰天

詠象碁

坐守楸枰不記年用心無所此猶賢
休官久作林居士對客堪稱橘隱仙
妙法近從溫國得嗣溫國公有微辭
原是陝州傳陝州呂氏宅掘塚七國象戲
為花陰覆局雲侵榻自許何殊小洞天
世所為象碁譏學仙之失

轉眼流光感逝年分陰能惜足為賢
及時了道青城客與世無求玄圃仙
言外指歸難定擬書

中疑信各相傳若還錯認從來路白首無成莫
怨天

聞道後追憶舊事

朝無侍位太平年田野搜羅隱逸賢上疏一朝
辭帝子投辭兩度拜天仙苦思不免眉峯蹙得
道能將心印傳尚記清曹當事日言能悟主力
迴天

季冬望後二日過磨上庄觀新立石有懷

楊東江

東墅重來已過年亭前坐憶舊遊賢氣豪可奪
三軍帥望重終躋八座仙石色遙分山色秀風
教近並水教傳一冬寒少因無雪眼底春迴和

煦天

詠奇石

苔侵雨蝕不知年拜石嘗聞米芾賢粟粟不羣
如勇士亭亭孤立類顛仙古齋老叟名難沒艷
濯纓亭亭置大石可愛乃古齋老叟文簡劉公事
叟張受益所居亭久圯石今存
可傳元文簡公劉敏擬欲栽花相掩映直須春

日養花天

贈田間叟二首

淡泊無營太古年詩書不讀子孫賢莫輕雍里
村田叟堪畫營丘水墨仙李三世為農衣食足
一鄉善士姓名傳幽居遠出三山外石磴高懸
一線天

花開花落是周年那解思齊得見賢若問前身

金粟佛此生難老赤松仙三椽蜗室同妻

部牛經是祖傳冰月一爐松葉火春耕笑聚艷

陽天

偶述近况二首

食龜存甲為占年年稔堪封比屋賢洒掃應門

黃豎子詩文代筆紫姑仙瓦盆注酒終朝醉石

室藏書有日傳不但窮通難在我細微飲啄亦

由天

一得年書便算年十年多值牧民賢三冬誦讀

三冬業一日清閒一日仙舌底長將真液嚥街

頭莫把秘才傳

諺云點的銀出的神屈原不必
忘肯街頭說與人

為天問萬事何能道彼天

壽楊東江

憲府才當強仕年立安邊境眾皆賢解玉林右衛父園築

雲川食能量腹聞中雙道過龐眉得上仙楊綰

清風為郭畏蔡沉書傳本朱傳東江三世業書壽辰雖

在三冬後晴暖如同二月天

殘冬家居追憶舊事

在朝交結盡忘年僚有帝賢相董賢祇慎廢平

期子若盧吏部欽風流文物慕蘇仙事見山天

字子若

邊時有徵書下塞上希聞羽檄傳久在家居冬

復盡行看柳絮又漫天

脩省

莫縱荒淫自斷年上師大聖次高賢勿輕吳下

阿蒙士堪笑河東項斤仙項曼都學仙不成詐

河東既為若樹虛敬來物議務脩寔行足人傳

平居作事惟諧俗仰視真能不愧天

讀西漢書

漢書體例既編年帝紀無如文武賢宣室席前

稱賈傳輪臺詔後悔無仙百家罷黜文章盛萬
物豐亨歌誦傳楚戰秦苛餘喘息久陰陽曜朗
中天

皇朝頌二首

頻將肉帛賜高年舉士非由左右賢將相古來
寧有種智愚悟後總為仙異徵自有臺官奏盛
事全况太史傳惟願歲豐民食足萬民原以食

為天

運祚靈長億萬年臣無病國典妨賢長勤耒耜

維愚父不識干戈即半仙北上星輶奇物貢南

來露布捷音傳野人際此懽無盡閒看梅花媚

遠天

經過古墓有感

鶴歸華表又千年荒塚難分愚與賢今日可憐
俱失主當時何不早求仙槎枒古木人爭伐剝
落豐碑名不傳莫若生前一盃酒終朝醉唱鷓
鴒天

村翁

小有羨逢大有年田家多獲即為賢有時撒網
為漁父長日登床作睡仙破局碁惟隨手應無
絃琴不用音傳一身之外吾何慕下有青山上
碧天

歸隱學道四首

吾年今已過中年作室猶虛肯構賢吏隱曾叨
華省貴宦遊久伴玉堂仙藏身深得林泉味籍
口休從朝市傳夜雨龍潛池沼底秋風和鵲唳
寥天

得隱今非卜隱年佯狂莫似接輿賢久居城市
同流輩若在蓬瀛作上仙八百飛昇技宅去三
千道德出關傳思允念動起允阻鄙見何殊盆
戴天

祖帳都門不待年路人曾嘆大夫賢潛身不復
朝天子迴首忽為平地仙吹動鳳笙玉母降欲
知鴻寶至人傳一年脩道忘寒熱酷暑今臨大
雪天

上書投劾得歸年不肖如何濫四賢
詩有四賢一不肖

訪道願從逝世侶休官豈是落九仙隨波人影
真難得空谷足音不易傳水濶滄溟吞陸地峯
高泰岱挿青天

挽李愚谷二首

豐稔連逢羊馬年諺云羊馬年荒歉道多流亡惟敝邑及
樂安已未戌龍蛇已過却嗟賢語云歲在龍蛇
午兩年頗收久病先是丙辰丁巳人頗以
為憂幸而已過乃卒於今歲生前未作朝中相
死後應為地下先詩已成疾名不沒文能華國
世爭傳子方十五妻三十痛哭哀哀喪所天

甲子重逢已未年愚谷原已病沉一夕忽淪賢
夙稱齊國無雙士曾宴金門第一仙起廢有時

今不待寺身無玷後應傳生才主用成何用有
此遲疑欲問天

解嘲

耦耕勤苦度流年尚友長懷沮溺賢鶯韻嚶嚶
聞喚友蝶飛栩栩夢遊仙見人儉約深才慕謂
我豪奢總浪傳每向寺僧同飯素喜看世界接
人天

悼岳武穆

龍蛇陸走亂離年
金國女強勝左賢
戰陣堂堂惟岳將
旌旗獵獵駐朱仙
汴京久失中原險
和議原從北虜傳
一自錢塘屈死後
誰能闢地更開天

無題

不見嬌娥年復年
却將好色易賢賢
病沉沉約風流客
夢斷襄王雲雨仙
喜報灯花空我負
詩題紅葉倩誰傳
終期柳氏歸韓翃
只恐楊枝別

樂天

論仙學得失

元陽不漏壽千年
上可神人下可賢
半世冥脩終畔道
一言超悟便成仙
從來簡易為真訣
但涉艱深失正傳
漫說城南惟尺五
最高三十又三天

元日立春

元日逢春幸此年
足占家裕國多賢
烘堂散酒爭邀客
闔邑絃歌若降仙
北岸柳容將欲展
東

風花信已先傳菜盞恰與辛盞會總慶初陽別
臘天

元夕二首

三元之夕接新年慶賞無分賈不賢奇貨遠來
千里客香車穩載九天仙金燈照夜九三照銀
漏傳更忽五傳遊騎漏擲香漏袖華筵當戶月
當天

健步覘燈又一年良方却疾賴先賢豈知煙井
千家市幻出蓬瀛三島仙銀燭搖紅風不定祥

煙凝碧畫難傳高樓携客同登眺燈火煌煌照
四天

月下贈郭五遊

家食追思旅食年官遊何似五遊賢娛雲弘景
為山主服石鳴夷得水仙久客不携家室累迹
人難免姓名傳風流調笑娟娟月露坐長吟耿
耿天

附石城原作

推轂同升憶往年東曹承鏡愧高賢者拋朱紱

辭清禁聞向瑤臺訪列仙書記汗牛人不及文
成倚馬世爭傳異才合置絲綸地會見徵書下
九天

贈雪簑

呼僕聊停白鹿車尋真偶到赤松家慢燒紅葉
朝炊飯旋汲清泉夜煮茶奔走烏蟾藏一粒伏
降龍虎採三花有時冲舉羣仙會尺躡星虹駕
彩霞

元日立春二首

百年難遇歲朝春今日春當獻歲辰
覆盞酒醉藍尾舊堆盤
餽喜蓼芽新三冬已過空迴首六

十將臨嘆此身是後柳如新到客從前梅作解
交人

新春喜向履端來舊歲驚隨殘臘迴律應葭灰
飛玉管香浮椒酒捧金盃雪融積漸生芳草風
峭續紛惜落梅絲勝銀幡曾受賜
立春日賜綵勝元日賜銀
幡追思往事獨徘徊

贈崔平橋舉人

屢試南宮猶未遇無然命運有參差
掀髯空掃
凌雲筆舉手難撐
犯斗槎是後青燈
勤學業好
看烏帽
揀宮花傳呼漢殿
年方壯莫待名成
兩鬢華

瑩次口占謝高栢亭楊東里東江東漁東
菑五親知李南麓馬峯亭廉隅菴三門客
自葬吾親返市城忽驚時序屬朱明
綠原舉目
春葩歌青塚傷心宿草生
多日不沾山雨潤
炎風輕送野雲橫
遠居離祖真吾罪
百拜重臨感

客情

域下園林秋夜燕飲回文

芳園晚露帶林橫
亂影松塔印月明
狂飲酒深更漏轉
苦吟詩久夜寒生
墻圍曲檻花連井
席展幽陰樹護城
香桂折來秋興發
堂槐種自得高名

秋夜別會稽馬舉人蒙次韻三首

美君年少最風流
佐酒安能得莫愁
籍坐寒生將半夜
計時不久是中秋
鄉家遠在三千里
澤

國同登十二樓
髮童扶華髮
主青雲客倩白
雲留

歸與遙從江水流
况聞寒杵搗
鄉愁華灯共愛
千金夜桐井
忽驚一葉秋
客去仍懸堂上榻
悶來莫倚水邊樓
談詩對局觀書盡
肯為東君暫一留

天上驚看大火流
人間節換自生愁
鳴蜩嘒嘒
纒經夏過雁
哀哀已報秋
飲客恨無千日酒
思君遙望五雲樓
再教款會連三夜
車馬門前任去留

附馬舉人原作

錦川桑柘映雙流
客邸蕭條感四愁
坐雨幾宵
今見月別君
一日已成秋
山深倦鳥猶依樹
風靜飛螢自上樓
托跡文園聊自遣
莫因鄉國嘆羈留

憲副李三溪自武邑惠詩卷名為秋日水

西招隱次韻荅謝四首

霜降寒潭澈底清
幽居况復背高城
館符當日

曾為吏把鈞年來寄此生厭見甲光搖白晝喜
聞鍾韻報新晴一秋行樂無終極何用金閨掛
姓名

龍巖大壑水偏清隱逸居連北斗城同志往來
俱上客異人傳授得長生不愁鍾鼓催朝暮自
有著龜卜雨晴手擲金章躬來報典時消息豈

沽名
不有穢塵混太清門前舉目見江城每携客賞
花偏艷可是人間草自生三唱隣雞秋日曉雙

歸洞鶴晚天晴夜眠早起為農圃因效樊遲得
令名
寥廓霜空分外清明生大小照層城大明生東
小明生西

丹成能使朱顏返年老何愁白髮生世事奔忙
無定止天時倏忽有陰晴急流勇退真難事若
水當時浪得名錢若水豈真能急流勇退
者詳見送劉長沙小序中

三溪詩原二十首今止和其四而錄其一
瑟瑟秋風入座清白蓬黃籜滿荒城雁散遠自
寒空度雲影忽從碧沼生曳杖穿花朝露濕披

襟散帙午牕晴高風千載屬箕頴何用區區世
上名

秋日用三溪韻送張玄同推府臨洮

行同冰鏡有餘清遠道携家赴塞城出授一官
秦四府由來十載魯諸生甲兵萬里防秋早砧
杵千家競晚晴佐政理刑真重任豫知遠邇即
知名

玄同之任閩中愴然有感於舊遊用前韻

集唐詩二首

晚風殘月入花清杜鴈帶斜陽出渭城帝去轍

已平秋草遍許行人過盡暮烟生曙空蟬鳴驛

樹殘陽遠朱慶花落間塔夕雨晴滄惆悵舊堂

局綠野李荒原定有漢宮名司空

露洗松陰滿院清李山牧童誰識帝王城李塞

花獨自愁中見姚合好竹皆當要處生陸龜秦女

峰頭雪欲盡岑仙人掌上雨初晴崔休將世路

悲塵事張首信吾妻史隱名甫杜

典客遊古寺再用前韻集唐詩

爽氣朝來萬里清錢知君回首望高城李南朝

古寺幾僧在滄沙際河流一夜生劉威客舍喜逢

連日雨司定松陰自轉北山晴吳悠然到此志

情處筠溫庭不向山僧道姓名杜牧

山中訪隱士不過集唐

長擬求閒未得閒司定尋君不遇又空還物應

泉散雜雨鳴幽澗盧嵐氣和雲補斷山權德新

結草茅招隱逸盧暮年詩賦動江闕杜浮生已

悟莊周夢張須著人間比夢周韓愈

題趙節婦保孤卷次岱挽張徐甥舅

詩韻有序

節婦趙氏原嫁密雲指揮使張春春典

僚友不及協調衛蘇州同母舅徐通携男

女二十人有餘赴任舟中遇盜人贊盡

被劫殺存者止節婦及一子一女張氏

之鬼賴子永祀備歷艱苦艱乃質誥命畫

像及鬻丹書以為路費竟由蘇州還其

鄉

遠自吳門返薊門新啼痕壓舊啼痕一絲有幸
懸三命斗酒無從奠二魂札過徐君悲主歿嬰
憐趙朔保孤存簪纓金紫承先世華胄綿延子
英孫

附少岱原詩

子胥潮水落閭門甥舅傷心墮淚痕掛劍無墳
安拭眼挽詩有跡可招魂丹青妙畫貧曾質黃
白仙書鬻莫存歲歲江頭芳草綠杜鵑聲裡怨

王孫

贈浙江督學憲副馮少洲

書窮六籍及三墳勤學經年志不分上第三齊

連步武

父子五鄉進士三賜進士

外臺兩浙五揚文藝收才

盡江南俊慢道能定冀北羣法眼嚴師如子少

定將學政繼前聞

劉五清萬五溪汪白泉皆前提學有名者

寄南禮部正卿致政葛典川

發解年纔二十餘髮猶未白縮金魚心懸北

闕常瞻斗身離南都早稅車院靜喜看舞有鶴

俸餘不患食無魚歸因懶病今非懶日讀床頭

未讀書

賞晚菊用表西溪十月始見菊韻

宴賞終朝猶未已同遊秉燭夜何其霜前著蓋
雖云早秋後繅花莫謂遲採藥狂生留少許持
盃為爾立多時榮衰自是尋常事且放高歌不
用悲

附西溪原詩

恹爾清姿消瘦盡冷風疎雨亦凄涼
真成晚白首相期亦未逢雲暗郡城愁獨坐日

斜鄉國望移時罇前摘索原因醉燭底歌吟轉
更悲

邀客賞菊興猶未闌即有欲填枕明目者
手采黃花將盡以詩止之不及抵存綠
葉依依籬落間耳用松菊屬長史題醉
楊妃菊詩韻

早起花枝猶帶霜徘徊孤悶至斜陽開罇即日
邀同志倚檻因風嗅異香彩萼折來歸錦袖綠
衣何得問黃裳主人愛客情猶可惱斷園丁九

曲腸

附喬松菊原詩

孌娜嬌姿不耐霜
芳根移得在朝陽
帶將春色三分艷
散作秋陰滿院香
傾日尚疑聞羯鼓
臨風猶似舞霓裳
抵愁野鹿偷嚼去
寂寞梨園定斷腸

賞菊用李崆峒九日無菊詩韻

去年此日已嚴霜
籬畔黃花慘不香
今受繁英臨砌好
漸修丈菊出簷長
性雖喜濕仍防水
欄

多則節本凌寒亦向陽
紅藥黃蘭俱讓汝同時
出土不同芳

附崆峒原詩

季秋中土每無霜
逢閏今朝菊未香
座上衣冠皆玉立
酒邊風日比春長
關河獨雁催樓色
樓閣疎林過夕陽
便擬留君待花發
龍山高醉嚼寒芳

自城還鄉月夜緩步獨酌

野性山情不可移
暫居城市亦非宜
門閑為去

人煙遠燭滅
况將漁火吹
月出竒峯
看不足
雨餘茅草
步行遲
十年悔著
詩千首
百事無如
酒一卮

樂閒

仕路征車
早已休
如天大事
不關愁
閒門晝永
無車馬
破牖更深
見斗牛
六十一
齡隨日積
百千萬
袂等雲浮
心安自是
身無病
藥室雖傾
不用脩

養訥

早謝卿僚
返故園
不將形跡
混塵煩
竊同婦
常憂國
雖是齊人
羞乞墻
省事其人間
還有事
當言之處
亦無言
山人非
不能雄
辯守
允真堪
養性源

集古詩挽李脉泉

一夜霜風凋玉芝
劉禹百年世事不勝悲
杜甫齋已換當時
主顏藥圃空餘舊
日詩秦沙上青禽飛
北隴才林間烏鵲繞
南枝戴叔故交已盡
新知少許渾欲語
潛然便淚垂
耿滄

隱逸

鳥獸誰云不可羣
沙鷗野鹿共溪雲
鏡添白髮餘千丈
杖掛青錢僅百文
有與閒遊如火壯
無能只可老耕耘
客從京國來相顧
不用殷勤訪異聞

歸農一韻十四首

為郎曾屬大司農
解職歸農與更濃
家遠漫馳千里駕
陞辭暫聽五更鐘
荒田着力連山壑
野碓由來借水舂
學稼樊遲泚不美
吾今端可步

遺蹤

十載居官廿載農
閒情莫似官情濃
歸來不醉新豐酒
驚覓多因野寺鐘
歲稔欣欣無野哭
日高處處是村舂
同遊舊友如相見
樸陋全然失故蹤

當年何事不歸農
奔走迷途恨頗濃
苦口曾陳閭闔疏
甘心懶聽景陽鐘
鋤耒雨後如雲盛
脫粟風前帶月舂
自伴田夫忘世味
追尋往事杳無蹤

布穀敬敬似勸農揮鋤難戀綠陰濃民安盡賣
床頭劍僧富無勞飯後鐘村塢晚霞蒙未照洲
隅斜日是高春一從引病還鄉後田父隣翁可
並蹤

如注甘霖足慰農青苗綠樹望中濃飽須早膳
善中膳卧聽晨鐘典晚鐘匹婦無能惟甑飯連
人有智運機舂作為耒耜神農氏可是起羣更

絕蹤

棄遺名利混耕農官態如雲淡又濃可恨青蠅

污白壁莫瓊瓦釜棄黃鐘類斟綠酒通宵飲亟

取香粳趁曉舂飽後醉餘無箇事三皇自謂可

追蹤陶淵明自謂羲皇以上人
揚雄謂可躡三皇之高蹤

從來百物出三農將早欣逢雨意濃枕畔蕭蕭

聞密竹樓頭隱隱度疎鐘良辰宴動驚鴻舞豈

歲知無止馬春見漢書斗粟百錢猶未售貞觀之

治維遐蹤

除却三時方息農閒看山影夕陽濃采薇讓國
輕千駟簞食安貧勝萬鍾寒未授衣勤夜織饑

方謀食息朝齋屢遭荒歉今豐稔浪說神人降
異蹤

誰云穀賤却傷農廩寔倉餘睡自濃醉中樽中
千日酒夢驚花外一敲鐘殘機巧婦猶能織斗
粟貧民尚可齋此際豐亨長聚會流亡不復寄
萍蹤

一辭朝市去明農始識林泉味最濃寡和調高
孤綠綺博聞待問扣洪鐘大官膳美人難得小
確粳麤僕再齋自媿知音善好學惟能勇退是

孤蹤

老漁老圃更蕙農菜羹花香綠樹濃泊岸岸橫舟

權罷釣隔山知寺為聞鐘雨簑掛戶因晴曬雲
確當途盡日春華秩崇階吾不慕一丘一壑足

潛蹤

兩字田夫一字農晚歸苻笠露華濃胡山月照
三秋杵蕭寺風傳半夜鐘無吏擊門催夏稅有
隣呼伴候晨齋當年官轍如蓬轉畝畝于今有
定蹤

上農莫遣作中農糞力不勤生意濃
祭社彈絲善品竹迎神考鼓更鳴鐘
貿絲布密占能織造飯抗精為久
壽農隙從今堪眺望名山處處有
行蹤

久無甲馬事春農水色山光到
眼濃輟食息隨迎社鼓着衣不待
啟晨鐘山堂延客雲同入石竇無
人水自潺迷失桃源當日路却從
何處覓仙蹤

女有美而嫁村夫者疊前韻為詩惜之耶

鄆才人嫁為廝養卒婦古今事其有偶

同者哉

麗姬下嫁老村農淡掃蛾眉縮髮濃
長嘆幽蘭生糞壤堪憐廢鼓伴金鐘
房櫳那得安身處井臼親操弱臂
春願迓陽臺神女去朝雲暮雨杳
無蹤

推美婦之意代為答詩

勿論經商與力農禮成夫婦自情濃
莫輕去手同秋扇每話同心及曉鐘
為了三緜常少睡能

精五飯在多齋齊眉奉案何人者今古雖殊願
比蹤

勸農仍前韻

四体能勤豈惜農山田淡薄水田濃一苗可但
十分利寸木能鳴千石鐘蝸舍不脩仍舊貫魚
羨最美出新畚林泉有分堪棲跡城市無緣久
滅蹤

院醫廬陵胡螺川善太素脉携谷少岱薦

書過訂索詩因次吾泉劉太子韻應之

家童放鶴忽飛揚返棹嘉賓已在堂手乏中黃

非愛利脉明太素乃餘長濟南近有音書至江

右遙聞名姓香試問螺川風景異欣然一笑解
詩囊

附吾泉原詩

山人蕭散貌清揚舊隱螺川近草堂野性每耽
丹壑僻閒情更逐白雲長出山尚帶烟霞色斲
藥蕪和草木香蚤已知君抱玄術怪來肘後繫
青囊

遊白雲湖夜歸

遊湖爽約數年間今日携携家始遊閒漫道望洋
錯認水醉疑斷岸即為山繁絃急管中流發短
棹輕帆半夜还不是病餘親藥餌通宵乘月弄
潺湲

九月三十日至祖村為十月朔日祭先隴

田字鵲噪晚禾收瑟瑟楓林最惹愁四塞陰雲
容易暮一交明日不為秋漫誇聞望如山重堪
嘆韶華似水流恃壯即看冬祭畢南村處處可

豪遊

聞北虜警報

驚聞虜騎近都城東國飛徵六道兵龜兔有靈
呈異瑞犬羊何事敢橫行南牕雖是攻儒業北
闕長馳報主情願效終軍誓定遠會須投筆
請長纓

曉起聞倭夷警報

嗟予國士媿無雙早謝京鄉返舊邦百尺樓高
山伏枕三竿日出影穿牕靜觀世態堪為恨聞

警憂心不可降無數甲兵來日今何時波浪息

風江

尊賢祠有序

錫山有尊賢祠祀唐宋及我朝十名

賢久矣創建於文莊邵二泉重脩於通

叅秦從川嗣後添祀二泉及中憲脩敬

公揔之則十二賢矣雖流寓顯晦不同

然皆有事於茲土者也脩敬乃虹洲秦

學憲之高祖而從川則虹洲之父也義

舉不可無傳特以是詩鳴其盛云

錫山舊有十賢祠增置遺賢亦不私踪跡升沉

均聞望羨墻彷彿見容儀傳言頗悉當時事寔

德能百後日思香火豈惟勤梓里行人瞻拜薦

江籬

典嵩陽劉太守簡劄往復未嘗及罷官事

因和其詩偶爾及此

五馬翩翩之郡時他年公輔衆皆期鳳梧難得

賡周詠魚藻翻成賦楚詞官態如雲蒼狗變間

心似水白鷗知台臣憎直君同我往事微茫付
夢思

再用前韻有述

能文難遇重文時自幸生來恰應期不向南山
甘豹隱願遊北闕吐^雄詞微生濫典春官遜苦
死不為夏相知綠鬢一麾今白首五雲多處倍
相思

附嵩陽原詩

花鳥欣欣異往春風又是一年期孤雲閑倚

玄湖棹千里遙傳白雪詞汝上耕夫定自老海
東釣客有誰知一緘聊付青鸞翼直到胡山慰
所思

赴親友婚席冒雪山行感述

谿轉山迴路不平那^堪看病体雪中行度將歲月
酬人事曾歷風霜冷官情食不嚙乾衰蔭動醉
常彈缺壯心驚樗材雖大終何用每欲述名得
令名

秋夜宿水村夢竟已曙因而有作用魏太

府見寄詩韻三首

蛩鳴鴈度自生愁人世飄飄似水浮
變態片時雙白眼隨身十載一蒼頭
醒來月落瑤池曉靜聽風搖玉樹秋
最是東君能好客幾迴欲去復相留

一日愁添一日愁半生名利總虛浮
卜居田舍青山口借宿漁家古渡頭
黃菊紫萸逢九日白蘋紅蓼正三秋
官忙豈若閒遊好怪得京卿不肯留

霜寒景肅不勝愁敗葉隨風水自流
遙憶美人千里外驚聞征馬五更頭
寺鐘不待鷄分曙隣杵羨同鴈報秋
為愛村居人事少懶歸城市久淹留

附蘭川原詩

詞客風塵動四愁海天寥廓暮雲浮
醉來萬事無青眼老去孤吟有白頭
龍劍光寒曙斗驪珠夜色照高秋
栢梁宴罷散名籍蕭瑟不堪桂樹留

送鶴泉高光祿假滿旋京

曾參豹尾近 飛龍此去近將舊職供養母過
家烹五鼎忠 君報國必重封惟予交契因同
調典爾升沉本異蹤有閭山人仍健否病餘無
復舊形容

瑞室有序

四明薛氏乃世官世德家也

當宋之紹熙淳熙間隣里兩被火災而

薛室獨免宣獻樓公題曰瑞室歷代志

有詩頌裔孫有名晨號霞川者孝友文

雅向予索瑞室詩乃步李滄溟韻亦為

一律云

百年生聚化寒灰兩度君家火不來隣舍一定
心獨苦墻隅四望首重回靈光長在真為瑞北
閣延燒亦可哀上客爛焦吾不賞惟勤黜事穰
奇災

謝武川杜太守惠新脩青州志書

志青文筆有誰能東國爭傳紙價增三輔黃圖
難擅美兩京雜記可同稱山川百里無遺覽文

獻千年有足徵善政宜民書不盡清嚴操守况
如水

挽孫夾谷一韻三首

人海曾來有是非思君一度一沾衣十年拘繫
今才脫一疾危亡竟不歸驚訝芻靈為獄吏悞
疑隧道是園扉龍泉偶自豐城出幻化還從天
上飛

行年五十已知非六十猶然慕錦衣三次上書
皆不報一肩行李復定歸華堂客散塵凝榻書

我頭風賴爾文憶昔趨朝天未曙鳴珂同拜

聖明君

季冬大雪已而因暖成雨俗謂之夾雨帶

雪二首

雲容靨靄歲華歸雪意氤氳日色微蕩飄鵝毛

賜

鵝毛

隨雨落輕盈蝶翅聞風飛呼朋共賞開家醜出
使曾經点客衣薪桂未珠吾不慮只愁占斷釣
魚磯

歲殘抱病憂乾早一雪身輕棄杖藜沽酒新豐

增舊價賦詩舊館有新題微茫風絮千山失
綴天花萬樹低六出暖融成暮雨探梅無處畏
衝泥

挽楊升菴有序

升菴書來過許予學能博且未觀董道
書跋及戴侗六書故已為之錄完將發
即有傳其絕筆詩至者其中有云樹杪
風輪轉池中泡影長全詩字字使人悲
哀而二句則尤警切原以罪編戍雖卒

戍所猶幸不為深禍忌其才者棄置竟
未得赦迴尊翁石齋有保安社稷功一
時雖未盡知後世必有知之者以俟天
定而已

萬里傳來絕筆詩讀之一字一傷悲曾稱博學
無如我代錄奇書寄與誰諳戍幸然逃虎口入
宮終是妬蛾眉先人功德廷臣上一世無知百
世知

除夕有感

少年不覓歲時遷，老景偏于除夜憐。前此宵分
為次日，今番坐久是新年。雪中偏覓梅花艷，灯
下頻將竹葉傳。不荷湔除多罪謫，當朝侍從久
歸田。國制每於除日，覃恩滿
除京職之有罪過者。
丙寅元日

青陽左个開，天上北陸迴。光日漸遲，為恋老梅
無官况，不因新柳亂鄉思。羊裘換却和風轉，鳳
管還從寒谷吹。冰泮間人何所事，鱸江魚美，好
垂絲。

人日夜宴

一從去歲客星明，更喜新春人日晴。初宴開樽
傳柘葉，夜闌秉燭鎖柴荆。陰崖雪積寒猶峭，陽
谷春迴暖自生。久在林泉羣野老，席爭名利不
須爭。

穀日二首

池中綠水長，新波門外青山雪。霽多春谷乍聞
黃鳥弄午牕，又見白駒過連朝。會社從齊俗，此
日當年赴漢科。已丑新正八日予會試歲月如
北行計今三十八年矣。

流雖老大少狂壯志未消磨

薄利休從身外求深耕且作眼前謀柳風搖曳

春偏好穀日晴明歲不憂十畝閑如雲自住百

年疾似水東流西園一所非無忌書院在學西

西園又西園乃南園千年有莫愁近得一小了

酒佐公子無忘故事鬢頗能歌談

元夕邀客賞灯兼聽箏笛二樂

上元又是新年節狂客高歌醉不休摘酒生春

連百爵蓮灯照夜足千簫風前鐵笛驚三弄月

底銀箏試一搗聽徹落梅蕙出塞居人自是不

關愁

陳恭客在南村喪偶送葬畢避風飲於田

家

恭客室亡遣送葬出門忽雨起風塵急趨壠墓

時將午再過田家又幾春浦座村夫羨野老開

樽地主亦山人久媿城郭紛華甚欲構茅廬作

近隣

正月念又九日風中赴遠親招飲

新年即欲訪丹丘二月將臨始出遊
環重親情風不避應酌人亭日無休
迴看朝士爭三舍若比山僧讓一籌
僧尚不如深自媿安閒况敢望沙鷗

賀南都大司馬同年胡栢泉

三百同年四十春惟君貴顯極人臣
廷推暫借司留鑰宸眷行者秉國鈞
浪靜四時虛備海風恬萬里不揚塵
少年已是無雙士南國今為第一人

西野袁翁壽登八袞親友咸將往賀焉予

以小詩特為之倡云

生來喜即際熙辰坐嘯行歌物外人
初在縣庭曾里正老臨學舍作鄉賓
嘲風咏月三千曲傲雪欺霜八十春
足疾雖深旋得愈谷神養後轉精神

新春憂邊警徹夜不寐旋聞兵馬聚

盛

必敗遁不足憂矣

藜藿還為玉食謀家庭常繫廟堂憂
天也狼角

芒初長雲外龍標祿不收待月無眠仍待旦防
春豈但只防秋堪嗟螿在車前奮正是魚從釜
底遊

十二月大雪天且甚寒

冬雪年年幾度飛雪逢今復值寒威江流凍合
魚龍蟄林木低垂鳥雀稀高卧表安真隱逸暫
休蕭老得暇依吟詩白戰吾方苦酒客臨門忽

解圍

挽雲峯王士登一韻二首

水向東流竟不歸日方西墜歛餘暉口歌詞社
今初歇足跡開門後漸稀忍見墻邊存卧席况

姜几上設遺衣重來燕子春才好那識堂前舊

主非

化鶴遼陽有日歸啼鴉鴉樹杪斲斜暉青年衆美

賢孫盛白髮予憐故友稀枯木何時生暖焰紙

錢相伴藝寒衣不須責備生前事自有卿評定

是非

晚菊

居近菊潭曾得壽吾今種菊遠欄干晨夕急問
經霜否夜坐迎宜映月看盈把東籬陶令醉落
英南國屈平餐落蔕爾雅菊之總名亦自堅晚節松栢
偏稱保歲寒

移菊夜宴用荆川唐太史韻

雲開風定夜將霜瓦盎移花上草堂細數方知
過百種深藏豈是避羣芳傳觴着藥浮清味剪
燭折枝燦異香酒數終期如菊數醅醕賓主兩
相忘

附荆川原詩

曠野陰陰萬木霜誰携數蓋到茆堂閒情最愛
能孤秀素質還宜冠衆芳在野寧辭荒草掩入
簾聊作浦庭香莫云花與曾來少對爾欣然自
兩忘

挽梅菴張州同三首

仲冬晦後亡哀友今月初旬又哭君祇望百年
交契久豈知一旦死生分淚同雪下無乾土魂
逐風飛有斷雲預告紅香迎臘酒明年此日莫

新墳

壽踰八十人生少一疾三朝亦可悲豈意知交
長往日正當栗烈盛寒時淒涼畫像臨香几斷
絕掀髯把酒危好似繡江東逝水滔滔無有復
還期

投老清閒有夙緣一官未久即歸田輕財不戒
豐亨日嗜酒猶如少壯年長夏為農東郭外明
春擬塋北山前將因作誌藏幽室先具薄儀薦
几筵

隨所適莫將四体怠徒勞記曾為士僧多口一
自辭官有二毛身外風塵驚滾滾眼前歲月任
滔滔

挽貞菴劉郎中一韻二首

人逝芳名百世留朋良朋從此息交遊堪嗟生死
成岐路莫道賢愚共一丘酒熟無非猶子奠書
多自是有人收世間難煉黃金鼎天上俄成白
玉樓

棺美傳聞堂上贈衣重總是友相周人雖載酒

非詢字客為遺書敬遠求簌簌雨行行道淚蕭
蕭四壁奉家愁封高三尺即山下不讀碑文識
姓劉

賀亞卿霍思齋父母雙壽重封二首

二親雖長不龍鍾新荷天恩動喜容鶴髮童顏
清晝永鳳書高誥紫泥封制辭代草原黃閣奇
術延年自赤松福壽日崇何所似太行山上最

高峰

晝無別慮夜安眠何用蓬瀛訪列仙新筍江魚

供早膳蒼松野鶴伴春筵千年千度雙親壽三

品三遷一子賢共喜恭承新寵渥龍章來自五

雲邊

送西谷李才伯上疏得請將致仕還其鄉

仕路才身日未曛飄然歸矣迥離羣歷遷藩伯

為時久破例京卿竟不聞手筆猶題濟水月心

旌已迓太行雲林泉清福平分去豈獨吾稱李

隱君

傳聞將歸遊作此詩送之乃後知部覆
未准款即除去友勸詩頗可姑存之

問西野疾

居嘗嘖嘖嘆衰殘病勢今增坐卧難數日再逢
驚貌改一朝不起亦心安微茫往事如春夢生
死達人作大觀厚德壽年寧止此請親藥餌更
加食

六十五歲八月二十八日生辰自壽一韻

二首

嗜詩不戒當時與棊手新來尤所長舉目無人
能對壘駐顏有客授竒方暮年節慎何憂病少
日艱辛已備嘗身佩紫萸能益壽由今十日是

重陽

放歌猶是少年狂身健何嫌鬢髮蒼星士每稱
多壽筭巫師不必示行葢黃花滿徑風霜少老
栢成林歲月長六十五齡交旺運好將藥裹改
詩囊

謝任醫士有序

予女貌甚美而瘰癧為害聞外科任綿
山能治之也使使持書迓於清泉郡至
則應手而愈然以熱勞逝為命也於其

別詩以謝之亦禮也每欲靜養忘世情
至此則不免傷情之甚矣若得男庶可
解慰予年雖長尚當勉力也

任君攻外久知名遣使馳書遠奉迎氣瘳全消
仍美女骨蒸不已却傷生人言醫病難醫命自
謂忘情太動情愛女如男今已失得男才可慰
生平

哭幼女招弟

心如^刃刺淚如傾霜重花嬌恨不平設悅舊居

秋草滿埋香新塚暮雲橫微茫猶記驚人色疑
訝如聞喚婢散偶向綉房簷下過風吹牕紙助
哀鳴

為鄭姊丈喪事兩過釣魚臺南村村久荒
落鮮人煙時正初冬木葉已殘而徑花
猶艷經由樂盤表長吏墓下愴然動懷
詩未因反之

兩朝重過釣魚臺為重親情黃送來野燒定中
飛暖滔廢村竈底只寒灰浦林紅葉隨風轉夾

路黃花向日開
撫景更悲表
右史荒墳久臥白
雲隈

送別駕葉沈湖署縣事有成還省

署政章城及濟城
政成遠邁沸賢散
均田高下衡無爽
審後羸肥鏡自明
循吏曾來多二字
窮民有幸慶三生
喬遷不日朝天去
遺澤明春滿地耕

丁卯元日

隆慶元年丁卯

改元不改昔繁華
里巷絃歌遍海涯
孤竹春前

生嫩笋老梅暖後
着叢花慶年盛設
嘉賓席召用無勞
使者車朝士均沾
新雨露野人惟恋
舊煙霞

賀沈湖陞雲南僉事

飛來驛使報遷喬
勇服官尊色不驕
曾用呂刑驚老吏
今持漢法伏山徭
十年外補真為久
萬里南征莫憚遙
指日定蒙宣室詔
長趨鳳闕聽簫韶

生日病中

初度年時賀客繁今年抱病臥文園胃傷忍餓
遲加飯体倦思眠早閉門夢竟無端愁脉脉神
搖有似睡昏昏逸方和藥沉痾起多賴屏巖典
小村

戊辰元日

隆慶二年戊辰

六十餘齡兩戊辰今辰猶是未衰人青藜杖棄
長行健綠柳條新遠望真早起書雲聊卜歲不
須曝日已知春林居朝闕同鄉老尚憶當年
拜紫宸

應酬人事屢過右川康太守墓下感而賦
此

東臨古道康君墓人事經過亦太頻遙望豐碑
常洒淚每持遺翰一傷神重歸海外三千歲止
駐人間四十春方悟白頭何足嘆百人解有白
頭人



Faint, vertical Chinese text is visible on the right page, likely bleed-through from the reverse side. The characters are arranged in several columns and are difficult to read due to their lightness and the watermark overlay.

